





南史識小錄卷十三

錢唐沈名蒸潤芳秀水朱昆田文濬

原輯

後學錢唐張應昌補正

恩幸傳



彭城王義康於尚書中覓了了。令史得戴法興等五

人以法興爲記室令史。帝使華願兒察聽風謠而

道路之言謂法興爲眞天子。帝爲贖天子。孝武嘗

使奚顯度主領人功而苛虐無道動加捶撲暑雨寒

雪不聽暫休人不堪命時人謂曰勿反顧付奚度時

建康縣考囚或用方材壓額人間謠曰甯得建康壓

額不能受奚度拍。以上戴法興傳阮佃夫僕從附隸皆受

不次之位捉車人武貴中郎將傍馬者員外郎廬

南史識小錄

卷十三

恩幸傳

一

江何恢有妓張躍華美而有寵爲廣州刺史將發邀

佃夫飲設樂見張氏悅之頻求恢曰恢可得此人不

可得也佃夫拂衣出戶曰惜指失掌遂諷有司彈恢

以上阮佃夫傳徐龍駒以奄人見寵帝爲龍駒置嬪御妓

樂嘗住含章殿著黃綸帽被貂裘南面向案代帝畫

敕內左右侍直與帝不異。亮傳宗慤爲豫州刺史

吳喜公爲典籤慤刑政所施喜公每多違執慤大怒

曰宗慤年將六十爲國竭命政得一州如斗大不能

復興典籤共臨之。呂文顯傳東昏呼潘妃父寶慶及茹

法珍爲阿丈梅蟲兒俞靈韻爲阿兄帝詣寶慶躬自

汲水助厨人作膳爲市中雜語以爲諧謔當時左



右刀敕之徒悉號為鬼宮中訛云趙鬼食鴨。劑諸鬼盡著調及梁武平建鄴羣小一時誅滅故稱為諸鬼也。俗間以細剉肉糅以薑桂曰劑。意者以凶黨皆當細剉而烹之也。

以上茹法珍傳

陸驗與朱异同邑言於武

帝拔之驗本無藝業而容貌特醜先是外國獻生犀其形甚陋故閩里謂驗為生犀。

陸驗傳

司馬申嘗晝

寢於尚書下省有烏啄其口流血及地時論以為譖賢之效。

司馬申傳

探求恩色習觀威顏遷蘭變鮑久而彌信。

抑符緩詔姦偽非一。左臂揮金右手刊字。紙為銅落筆由利染故門同玉罌家號金穴嬌媛侍

女燕秦蔡鄭之聲璇池碧沼魚龍雀馬之翫莫不充南史識小錄卷十二恩幸傳

物錦室照徹青雲論以上

**水史補**戴法興山陰人父碩子法興好學二兄延壽

延興並修立山陰有陳戴者家富有錢三十萬人云戴碩子三兒敵陳戴三十萬錢。百姓欲為孝武立

寺疑其名巢尚之應聲曰宜名天保。詩云天保下報上也。法興臨死封閉庫藏使家人謹錄鑰。

杜本考

證鑰監本作論誤。以上戴法興傳。阮佃夫宅舍圍池諸王邸第莫及女妓數十藝貌冠絕當時於宅內開瀆東出十里

許塘岸整潔汎輕舟奏女樂劉休嘗遇佃夫於路要休同反就席便命施設一時珍羞畢備凡諸火劑並

皆始熟。佃夫嘗作數十人饌以待賓客故造次便

辦 壽寂之爲南泰山太守多納貨賄請謁無窮有  
一不從便切齒罵詈嘗云利刀在手何憂不辦 楊

運長素善射爲射師以上阮 紀僧眞夢蒿艾生滿

江白之齊高帝帝曰詩人采蕭蕭卽艾也蕭生斷流

卿勿廣言 帝在淮陰修城得古錫趺九枚僧眞曰

九錫之徵也 帝將拜齊公已射口有楊祖之謀作

難僧眞請更選吉辰尋而祖之事覺上曰無卿言亦

當致小狼狽 齊武嘗曰人生何必計門戶紀僧眞

堂堂貴人所不及也 僧眞遭母喪開塚得五色兩

頭蛇 紀僧猛善飛白書作飛白賦 楊法持齊永

明時坐役使將客奪其鮭稟創封僧眞傳 劉係宗

南史識小錄 卷十三 恩幸傳 三

久在朝省閑於職事齊武帝嘗曰學士輩不堪經國

惟大讀書耳經國一劉係宗足矣沈約王融數百人

於事何用劉係宗傳 茹法亮廣開宅宇杉齋光麗與延

昌殿相埒延昌殿武帝中齋也宅後魚池釣臺土山

樓館長廊將一里竹林花藥之美公家苑圃所不能

及 綦母珍之居舍人之任論薦無不允內外要職

及郡丞尉皆論價而後施行 帝給珍之宅宅邊又

有空宅從卽併取輒令材官營作不關詔旨材官將

軍細作丞相語云甯拒至尊赦不可違舍人命 珍  
之有一銅鏡背有三公字語人云徵祥如此何患三  
公不至乃就蔣王廟乞願得三公封郡王 明帝知

權蕭詵用事杜文謙謂珍之曰天下事可知矣盡粉

滅法亮傳呂文顯與

茹法亮等迭出入為舍人並見親幸多餉遺並造大

宅聚山開池時中書舍人四人各任一省世謂之四

戶勢傾天下四方守宰餉遺一年咸數百萬茹法亮

語人曰何須覓外祿此一戶內年辦百萬晉宋舊

制宰人之官按人當作民唐時避諱以六年為限後以六年過

久又以三周為期謂之小滿玄象失度史官奏請

祈禳王儉謂上曰天文乖忤禍由四戶以上呂東

昏時左右應敕捉刀之徒並專國命人問謂之刀敕

權奪人主都下語曰欲求貴職依刀敕須得富家事

南史識小錄卷十三恩幸傳四

捉刀徐世檮謂法珍蟲兒曰何世天子無要人但

阿儂貨主惡耳世檮畫帝十餘形象備為刑斬刻

射文解之狀而自作已像著通天冠衮服題云徐氏

皇帝東昏潘妃本姓俞名尼子王敬則姦也或云

宋文帝有潘妃在位三十年於是改姓曰潘奄人

王寶孫年十三四號為佺子最有寵控制大臣移易

敕詔乃至騎馬入殿詆訶天子以上茹法珍傳簡文時嚴

宣學北人著靴上殿無肅恭之禮有怪之者宣曰吾

豈畏劉禪手周石珍傳陸驗徐麟遞為少府丞太市令

並以苛刻為務百賈畏之朱异與之昵世人謂之二

蟲陸驗傳司馬申隨都督王僧辯據巴陵僧辯歎曰

...

此生腰鞬汗馬或非所長若使撫衆守城必有奇績  
僧辯討陸納賊衆奄至左右披靡申躬蔽僧辯蒙楯  
而前僧辯顧而笑曰仁者必有勇司馬申壽施文慶聰  
敏強記明閑吏職軍國事務心算口占應時條理施文

慶 隋軍既逼後主出金帛募人孔範素於武事不  
接莫有至者惟負販輕薄多從之孔範環纓歛劬

俯仰晨昏 宮省咳唾義必先知故窺盈縮於望景  
獲驪珠於龍睡坐歸聲勢臥震都鄙 雲陛天居互

設蘭筠羽林精卒重屯廣衛以上論

**朱齊書補**

二漢郡縣掾吏並出豪家負戈宿衛皆由

世族 自魏至晉人才升降憑藉世資用相陵駕劉

南史識小錄卷十三恩幸傳

五

毅所云下品無高門上品無賤族者也 九重奧絕

義隔卿士階闈之任陪奉朝夕恩以幸生信由恩固

無可憚之姿有易親之色 方塗結軌輻湊同奔

鈇鉞創痛構於筵第之曲服冕乘軒出乎言笑之下

南金北毳來悉方體素縑丹魄至皆兼兩 構造

同異興樹禍隙宋恩傳

徐爰讓禦虜之策曰緣邊

諸戎練卒嚴城 堅壁而春墾輟耕清野而秋登莫

擬 當使小戍制其始寇大鎮赴其入境一被毒手

便自吹齏鳥逝矣 國史成爰上表曰餘分紫色煙

起雲騰 罪徐爰詔拔迹廝猥 芻輩之中粗有學

解 啟嶇姦矯 情事緩文 榮禮優崇甯非贊過

前後覈迹理無可申廢棄海埵寔允國憲但蚤蒙  
朕識曲矜愚朽既經大有思沾殊渥以上徐爰傳有天

象必有人事倖臣一星列於帝座齊倖臣傳序世祖性

尊嚴呂文顯嘗在殿側咳聲高上使茹法亮訓詰之

以爲不敬呂文顯傳請託在手質弄文符齊書論

### 夷貊傳

林邑國有金山石皆赤色其中有金金夜則出飛狀

如螢火又出古貝古梁書作古貝者樹名也其華

成時如鷺毳抽其緒紡之以作布與紵布不殊亦可

染成五色織爲斑布又出沈木香土人斫斷積以

歲年朽爛而心節獨在置水中則沈名曰沈香次浮

南史識小錄卷十三 恩幸傳

者曰棧香棧梁書晉咸康中林邑王范逸死奴文

篡立文本夷帥范幼使爲家奴嘗牧牛於山澗得鱧

魚二化而爲鐵因以鑄刀刀成文向石呪曰若斫石

破者當王此國因斫石如斷芻稟范使之商賈至林

邑因教王作宮室兵車器械王寵任之王死遂自立

國王陽邁初在孕其母夢生兒有人以金席藉之

其色光麗夷人謂金之精者爲陽邁陽齊書若中國

云紫磨者因以爲名其國俗居處爲閣名曰干闥

門戶皆北向男女皆以橫幅古貝繞腰以下謂之

干漫亦曰都漫漫梁書其王著法服加纓絡如佛

像之飾出則乘象吹螺擊鼓罩古貝徽以古貝爲幡

旗以上林  
國傳

扶南國出五色鸚鵡。有酒樹似安石

榴采其花汁停瓮中數日成酒。毗騫國王身長丈

二頭長三尺自古不死。莫知其年號曰長頸王。王常

樓居不血食不事鬼神。其子孫生死如常人。惟王不

死。有山出金。金露生石上無火限也。毗騫王嘗

遣扶南王純金五十人。食器形如圓盤。又如瓦甔。名

爲多羅。受五升。又如椀者。受一升。扶南東界有大

漲海。海中有大洲。洲上有諸薄國。國東有馬五洲。復

東行漲海千餘里。至自然大洲。其上有樹生火。中剝

其皮紡績作布。以爲手巾。與蕉麻無異。而色微青黑。

若小垢。汚投火中。復更精潔。或作燈炷用之。不知盡

南史識小錄

卷十三 夷貊傳

七

扶南以女人爲王。號曰柳葉。其南有激國。有事

鬼神者。字混填。夢神賜之弓。乘買船入海。混填晨起

詣廟於神樹下。得弓。便依夢乘船入海。遂至扶南。柳

葉欲劫取之。混填張弓射其船。穿度一面。矢及侍者

柳葉。懼降。混填填遂君其國。納柳葉爲妻。國法無

牢獄。有訟者。先齋三日。乃燒香。極赤。令訟者捧行七

步。又以金環雞卵投沸湯中。令探取之。若無實者。手

卽爛。有理者。則否。

齊書又云。又令汲水直者。卽沈也。

梁大

同。中來貢言其國有佛。髮長一丈二尺。詔遣迎之。先

是武帝改造阿育王佛塔。出舊塔下舍利及佛爪髮

髮青紺色。以手伸之。隨手長短。放之。則旋屈爲蠶形。

按僧伽經云佛髮青而細猶如藕莖絲佛三昧經云我昔在宮沐頭以尺量髮長一丈二尺放已右旋還成蠡文則與帝所得同也阿育王卽鐵輪王王闍浮提一天下佛滅度後一日一夜役鬼神造八萬四千塔此卽其一吳孫繇毀之吳平後道人復於舊處立塔晉孝武太元九年王金相輪及承露其後有西河離石縣胡人劉薩何遇疾暴亡七日而蘇云至十八地獄隨報重輕受諸楚毒觀世音語云汝緣未盡若得活可作沙門洛下齊城丹陽會稽並有阿育王塔可往禮拜壽終不墮地獄語竟忽然醒寤因此出家名慧達遊行禮塔至丹陽見長千里有異氣因就禮南史識小錄卷十三夷貊傳

八

拜果是塔放光明知有舍利掘入一丈得三石碑中一碑有鐵函函中有銀函函中又有金函盛三舍利及爪髮各一枚卽遷舍利造塔一層十六年又使沙門僧尙加爲三層卽是武帝所開者也初穿土四尺得龍窟深九尺至石磔磔下石函函內有鐵壺以盛銀坩坩內有金縷髷盛三舍利如粟粒大圓正光潔函內有瑠璃椀盛四舍利及髮爪爪有四枚並沈香色帝又到寺禮拜設無碍大會以金鉢盛水泛舍利其最小者隱不出帝禮數十拜舍利乃於鉢內放光後帝又至寺豎二刹各以金髷次玉髷重盛舍利及爪髮納七寶塔又以石函盛寶塔分入兩刹先是改

造會稽鄞縣塔出舍利此亦是劉薩何所得也晉咸和中丹陽尹高惺行至張侯橋見浦中五色光長數尺於光處得金像無有光跌埋下車載像任牛所之牛徑牽至寺至夜中嘗放光明經一歲臨海漁人張係世於海口忽見有銅花跌浮出取送縣縣以送臺乃施像足宛然合會簡文咸安元年交州合浦人董宗之采珠沒水底得佛光燄交州送臺以施於像又合焉自咸和中得像至咸安初歷三十餘年光跌始具初高惺得像後有西域胡僧五人來詣惺曰昔於天竺得阿育王造像來至鄴下逢胡亂埋於河邊今五人一夜俱夢見像曰已出江于爲高惺所得惺乃

南史識小錄

卷十二夷狄傳

九

送此五僧至寺見像噓欷涕泣像便放光照燭殿宇又瓦官寺慧邃欲模寫像形寺僧慮損金色謂曰能令放光回身西向乃可相許慧邃拜請其夜像卽轉坐放光像趺育書莫有識者後有三藏那跋摩識之云是阿育王爲第四女所造也及大同中出舊塔舍利廣寺域造諸堂殿并瑞像窮於輪奐焉其吳人張絲運手丹青之工一時冠絕

以上扶南國傳

閻婆達國元

嘉十二年奉表曰宋國大主大吉天子足下教化一

切種智度脫衆生我雖在遠亦霑靈潤

閻婆達國傳扶桑國傳

扶

桑國有牛角甚長以角載物勝二十斛

扶桑國傳

**木史補** 林邑國不設刑法有罪者使象蹋殺之 其

大姓號婆羅門

南齊書云謂師巫爲婆羅門

凡嫁娶使婆羅門引

婿見婦握手相付咒曰吉利吉利其寡婦孤居散

髮至老國王事尼乾道鑄金銀人像大十圍宋

文帝以其違敕命伐之前鋒蕭景憲攻尅之獲其珍

異皆是未名之寶又銷其金人得黃金數十萬斤

天監元年獻白猴

以上林邑國傳

激國養鰐魚及猛獸有

罪者以餒猛獸及鰐魚魚獸不食爲無罪鰐大者

長三丈餘喙長六七尺齒如刀劍食魚亦噉麀鹿及

人蒼梧以南及外國皆有之吳時遣康泰朱應使

於尋國國人裸惟婦人著貫頭泰應語以褻露可怪

尋始令國內男子著橫幅卽今于漫也

漫梁書作漫

大家

南史識小錄

卷十三夷貊傳

十

截錦爲之貧者乃用布天監二年扶南王闍邪跋

摩獻珊瑚佛像

扶南俗事天神天神以銅爲像兩

面者四手四面者八手手各有所持或小兒或鳥獸

或日月死者有四葬水葬則投之江流火葬則焚

爲灰燼土葬則瘞埋之鳥葬則棄之中野天監十

八年國王留陁跋摩送天竺旃檀瑞像婆羅樹葉

上扶南

國傳

呵羅單國元嘉七年獻金剛指環

十年國

王毗沙跋摩奉表曰常勝天子陛下諸佛世尊常樂

安隱三達大通爲世間導是名如來文帝詔款化

納貞遠誠宜甄

以上呵羅單國傳

槃槃國中大通元年送

佛牙及畫塔六年又送菩提國舍利及畫塔圖菩提

樹葉藥樂國傳

干陀利國梁天監元年其王瞿曇脩跋

陀羅以四月八日夢一僧謂曰中國今有聖王十年

之後佛法大興又夢與此僧至中國拜謁天子既覺

寫夢中所見武帝容質飾以丹青仍遣使并畫工奉

表獻物遂模寫帝形以還比本畫符同焉天監十

七年獻金芙蓉以上干陀利國傳狼牙脩國男女皆以古

貝爲千曼王及貴臣加雲霞布覆脚以金繩爲絡帶

狼牙脩國傳婆利國人披古貝如妃王用斑絲者者梁書作

布以纓絡繞身戴金冠高尺餘綴七寶之飾帶金裘

劍偏坐金高坐以銀燈支足侍女皆爲金花雜寶之

飾或持白旄拂及孔雀扇王出以象駕輿輿以雜

南史識小錄

卷十三 夷貊傳

十一

香爲之上施羽蓋珠簾王姓憍陳如自言白淨王

夫人卽其國女普通三年獻白鸚鵡青蟲以上婆利國傳

中天竺國臨大江名新陶源出昆侖分爲五江總

名恒水其水甘美下有真鹽色正白如水精火齊

狀如雲母色如紫金有光曜別之則蟬翼積之則如

紗縠之重沓也蟬字上梁書有薄如二字大秦珍物有鬱金蘇

合蘇合是諸香汁煎之非自然一物也大秦人采蘇

合先管其汁以爲香膏乃實其滓與諸國賈人是以

展轉來達中國不大香也鬱金出罽賓國華色正黃

而細與芙蓉華裏被蓮者相似國人先取以上佛寺

積日槁乃糞去之賈人以轉賣與他國孫權時有

大秦賈人來到時諸葛恪討丹陽獲黝歛短人賈人云大秦希見此人吳時天竺使陳宋等言其國佛道所興國也太敦厖土饒沃其王號茂論宮殿皆雕文鏤刻街曲市里屋舍樓觀鐘鼓音樂服飾香華水陸通流百賈交會器玩珍瑋恣心所欲左右嘉維舍衛葉波等十大國去天竺或二千里共尊奉之以爲在天地之中也以上中天竺國傳天竺迦毗黎國元嘉五年獻金剛指環摩勒金環赤白鸚鵡其國與蘇摩黎國斤隨利國婆黎國皆事佛道宋孝武寵姬殷貴妃薨爲之立寺貴妃子鸞封新安王以新安爲寺號沙門慧琳有才章兼內外之學著均善論

南史識小錄

卷十三 夷貊傳

上

貶裁佛法託爲白學先生黑學道士客主訓答其歸以爲六度與五教並行信順與慈悲齊立元嘉中琳參權要勢傾一時方筵七入座上恆滿琳著高屐披貂裘置通呈書佐權侷宰輔會稽孔顛慨然曰遂有黑衣宰相可謂冠履失所時鬪場寺多禪僧又有慧嚴慧議道人並住東安寺學行精整都下語曰鬪場禪師窟東安談義林孝武大明四年於中興寺設齋有一異僧衆莫之識名曰明慧從天安寺來忽不見天下無此寺名乃改中興曰天安寺大明中外國沙門摩訶衍於都下出新經勝鬘經見重釋學以上天竺迦毗黎傳師子國舊無人惟鬼神與龍居之諸

國商賈來與鬼神市易不見其形但出珍寶顯其所  
堪價商人依價取之因此諸國競至或有住者遂成  
大國 義熙初始遣使獻玉像高四尺二寸形制殊

特始非人工此像歷晉宋在瓦官寺先有戴安道手

製佛像五軀及顧長康維摩畫圖世號三絕至齊東

昏遂毀玉像取為潘妃作釵釧以上師國傳高句麗國

公會衣服大加主簿頭所著似幘而無後其小加著

折風形如弁高句麗國傳百濟號所都城曰固麻謂邑

曰檐魯如中國之言郡縣也百濟國傳新羅呼城曰健

牟羅其邑在內曰啄評在外曰邑勒亦如中國言郡

縣新羅國傳倭國有獸如牛名山鼠又有犬蛇吞此獸

南史職小錄卷十三夷貊傳 三

男女露髮富貴者以錦繡雜綵為帽似中國胡公

頭 順帝昇明二年上表言自昔祖禰東征毛人五

十五國西服衆夷六十六國陵平海北九十五國

裸國西南萬里有海人身黑眼白裸而醜其肉美行

者或射而食之 文身國人體有文如獸其額上有

三文文直者貴文小者賤 國王所居飾以金銀珍

麗繞屋為塹廣一丈實以水銀雨則流於水銀之上

以上倭國傳扶桑國多扶桑木葉似桐初生如筍可食

績其皮為布為錦錦梁書作綿 國有南北獄輕罪入南

獄重罪入北獄有赦放南獄不赦北獄在北獄者男

女相配生男入歲為奴生女九歲為婢犯罪之身至

死不出 國王衣色隨年改 易甲乙年青丙丁年赤

戊巳年黃庚辛年白壬癸年黑 扶桑東有女國容

端色白身體有毛髮長委地至二三月競入水則任

娠六七月產子女人胸前無乳頂後生毛根白毛中

有汁以乳子百日能行三四年成人矣 食鹹草如

禽獸鹹草葉似邪蒿氣香味鹹 梁天監時晉安人

度海為風所飄至一島登岸有人居止男則人身狗

頭其聲如吠築土為牆其形圓其戶如竇云 以上扶

河南有青海方數百里放牝馬其側輒生駒土人

謂之龍種 有屋宇雜以百子帳即穹廬也 齊書云

人民以穹廬百子帳為行屋 天監十三年獻金裘馬腦鍾二口

南史識小錄 卷十三 夷貊傳 十四

十五年又獻赤舞龍駒 以上河 豫州蠻廩君後也

西陽有巴水斬水希水赤亭水西歸水謂之五水 蠻

孫州 高昌國有草實如繭繭中絲如細纒名曰白

疊子織為布甚軟白 有朝鳥旦旦集王殿前為行

列不畏人日出然後散去 以上高 滑國普通元年

獻黃師子白貂裘波斯錦等物 有兩脚駱駝野驢

有角 女人被裘頭上刻木為角長六尺以金銀飾

之 無城郭甍屋為房東而開戶 其王坐金牀隨

太歲轉 無文字以木為契與旁國通則使旁國胡

為胡書羊皮為紙 父母死其子截一耳葬訖即吉

以上滑 于闐國天監十三年獻波羅婆步障十八

年獻瑠璃鬘于闐國傳大渴盤隋國著小袖袍小口袴渴

隋國傳按蟻波斯國西去城十五里有土山

非過高連接甚遠中有鷲鳥瞰羊土人極以為忠

國中育優鉢曇花鮮華可愛鹹地生珊瑚樹長一

三尺亦有虎魄馬腦真珠玫瑰等國內不以為珍

昏烟瑁迎婦瑁著金線錦袍師子錦袴戴天冠婦亦

如之婦兄弟便來捉手付度以上波斯國傳蟻國能以

術祭天而致風雪前對皎日後則泥潦橫流故其戰

敗莫能追及或於中夏為之則不能雨問其故蓋以

曠云蟻國傳

**宋齊梁書補**屈真川甘谷嶺北有鳥鼠同穴或在山

南史謝小錄卷十三夷貊傳

嶺或在平地雀色白鼠色黃地生黃紫花草便有雀

鼠穴宋書吐谷渾傳逐草依泉毛衣肉食又訶羅隋國

元嘉七年奉表聖主興立塔寺臺殿羅列狀若眾山

莊嚴微妙猶如天宮按天竺迦毗黎傳奉表亦致

演正法雲布雨潤平等忍辱怨親無二靡不照

達猶如淨月以上阿羅訶羅羅元嘉十年奉表

諸佛世尊遺形舍利造諸塔像莊嚴國土如須彌山

城郭館宇如忉利天宮處雪山陰雪水流注百川

入味清淨一切眾生咸得受用於諸國土殊勝第

一是名震旦以上阿羅師子國王刹利摩訶元嘉

五年奉表遣二白衣送牙臺像以為信誓師子國傳天

竺迦毗黎國王月愛元嘉五年奉表伏聞彼國衆妙  
悉備無上法船濟諸沈溺王身莊嚴如日初出仁  
澤普潤猶如大雲臣之所住名迦毗河其城四邊  
悉紫紺石首羅天護令國安隱蕭摩之奏佛化自  
頃以來情敬浮末形像塔寺各務造新材竹銅深糜  
損無極大明二年詔佛法訛替扶濟鴻敷六年  
年有司奏邃宇崇居非期宏峻拳跪槃伏非止敬恭  
將以施張四維締制入寓儒法枝派名墨條分至  
於崇親嚴上厥繇靡爽練生瑩識宗旨緬割拘  
文蔽道屈膝四輩而簡體二親兼太宗修復佛寺  
令妙訓淵謨慧琳均善論利欲日去滄白自主

南史識小錄卷十三夷蕃傳

十六

甘辭與於有欲而滅於悟理淡說行於天解而息於  
貪僞以上天竺迦毗黎傳漢世西域遐通兼途累萬晉氏南  
移外域天斷山深水寶通犀翠羽之珍蛇珠火  
布之異千名萬品依深傍峭略財據土搜山盪谷  
窮兵罄武孩年臺齒干戈酸慘以上史臣論楊難  
當謝罪表丹誠未諒大謗已臻氏傳沮渠茂度上  
表先臣蒙遜澤愴崑裔清瀝區夏詔曰勳濟西服  
翼宣遠略以上大沮渠蒙遜傳永明七年顏幼明劉思敬使  
魏魏元會與高麗使相次幼明日我等銜命上華抗  
敵在魏自餘外夷不得望我黹塵邊境小狄敢  
躡臣蹤高麗冠折風一梁謂之幘王融怪之答曰

此古弁遺像也。以上濟書 策命年大爲百濟王曰

滄路肅澄要貢無替。年大破魏虜上表。僞屍丹野

鯨暴。箱凶。以上百濟國傳 詔曰款關海外奉贄東遐。加羅

林邑有金山金汁流出於浦。帝王服天冠如佛冠

女嫁著迦藍衣。橫幅合縫如井闌。居喪剪髮謂

之孝。遠界有靈鷲鳥。知人將死。集其家食。死。人肉

盡飛去。乃取骨燒灰投海中水葬。人色以黑爲美。

南方諸國皆然。以上林邑國傳 永明二年扶南國王上表

請伐林邑曰。豈有師子坐而安。大鼠助朝廷剪撲

平蕩之日。獻金五婆羅。并獻金。鏤龍王坐像一

軀。白檀像一軀。牙塔二軀。瑠璃蘇鈔二口。鈔音立。瓊

南史識小錄 卷十二 夷貊傳 七

瑁檳榔。梓一枚。來使天竺道人釋那伽仙言。其國

俗事摩醯首羅天神。常降於摩訶山。土氣恆暖。草

木不落。上書曰。仙山名摩訶吉樹。敷嘉榮。摩醯首羅

天依此降尊靈。國王悉蒙祐。人民皆安甯。菩薩行忍

慈。本迹起凡基。一發善提心。二乘非所期。歷生積功

業。大度行大悲。勇猛超劫數。六道化有緣。具修於十

地。遺果度人天。行滿登正覺。萬善智圓備。慧日照塵

俗。衆生感緣應。隨機授法藥。皇帝聖宏道。興降於三

寶。亦如釋提洹衆。天中最超陞。下臨萬民。四海共歸

心。聖慈流無疆。被臣小國深。扶南人點慧。智巧攻

略。傍邑不賓之民。爲奴婢。銀金環鑽。銀食器。王

居重閣以木柵爲城海邊生大箬葉長八九尺編其葉以覆屋人民亦爲閣居爲船八九丈廣裁六七尺頭尾似魚鬪雞及豨爲樂始興太守房法乘

病不理事專好讀書長史伏登之因此擅權法乘怒

繫之於獄登之既出襲州執法乘囚之法乘無事復

就登之求書讀登之曰使君靜處猶恐動疾豈可看

書遂不與法乘性方簡身長八尺三寸行出人上

常自俯屈以上扶南國傳藏山隱海瓌寶溢目委輸南州

故交廣富實史臣論芮芮虜塞外雜胡也編髮左衽

刻木紀事不識文書建元時來獻師子皮袴褶皮

如虎皮色白毛短有賈胡見之云此非師子皮乃扶

南史識小錄卷十二夷貊傳大

拔皮也奉表曰臬翦元惡光復中華以上芮芮虜傳河

南匈奴種也漢建武中匈奴二婢亡匿在涼州界雜

種數千人虜名奴婢爲貴又謂之貴虜人行平沙

中沙磧飛起行迹皆滅以上南國傳仇池四方壁立自

然有樓櫓卻敵狀高重數丈有二十二道可攀緣而

升東西二門盤道可七里上有岡阜泉源於上平地

立宮室無貴賤皆板屋土牆所治處名洛谷豫章

王崑討李烏奴與楊廣香書翦伐萌茵弗勞洪斧撲

彼蚊蚋無復多力以上楊氏傳氏胡獷盛餘類蠢蠢被

西疆而奄北際論大通元年盤盤國奉表閭浮提

震日天子萬善莊嚴一切恭敬猶如天淨無雲梁書樂樂

傳國天監十四年狼牙脩國奉表大吉天子端嚴相

好如水。中月著種種衣猶如天服。狼牙脩國傳于闐有

水出玉名玉河。王冠金幘如今胡公帽與妻竝坐

接客。書以木為筆札以玉為印國人得書戴於首

而後開札。以上于闐國傳漢光和中倭國亂立一女子卑

彌呼為王無夫婿有男弟佐治以婢于人自侍惟使

一男子出入傳教令。倭國傳

賊臣傳

**太史補**侯景言於高歡曰請兵三萬濟江縛取蕭衍

老公以作太平寺主歡壯其言使鎮河南歡杖任

若已之半體。景請於歡曰握兵在遠姦人易生詐

南史識小錄卷十三賊臣傳 十九

偽大王若賜以書請異於他者許之每與景書別加

微點。雖子弟弗之知。景右足短濟淮南過小城人

登陴詬之曰跋脚奴何為邪。太清元年二月景遣

丁和上表求降尚書僕射議納景非便武帝不從初

帝以是歲正月乙卯於善言殿讀佛經因謂左右黃

慧弼曰我昨夢天下太平爾其識之及和至校景實

以正月乙卯日定計帝由是納之。梁書云高祖夢中

降且見朱异說或宇內方一天魏求和親景偽作

道前見及景歸附遂納异言。

鄴人書求以貞陽侯換景帝許之景曰我知吳兒老

公薄心腸。景請娶於王謝帝曰王謝門高非偶可

於朱張以下訪之景恚曰會將吳兒女以配奴。景

反帝聞之笑曰。是可能爲吾以折筆答之。大同中  
童謠曰。青絲白馬壽陽來。景以朝廷所給軍人青布  
爲袍。身乘白馬。青絲爲轡。欲以應謠。賊登東宮牆  
射城內。簡文燒東宮臺殿。遂盡所聚圖書。數百厨皆  
灰燼。先是簡文夢有人畫作秦始皇云。此人復焚書  
至是而驗。賊中唱云。武帝晏駕。簡文請帝輿。駕巡  
城。乃幸大司馬門。城上聞蹕聲。皆鼓譟。軍人莫不屑  
涕。景攻城。土山成。城內土山亦成。以韋黯守西土  
山。柳津守東土山。山起芙蓉。層樓高四丈。飾以錦罽。  
捍以烏笄。山峯相近。募敢死士。厚衣袍。鎧名曰僧騰。  
客配二山。交稍以戰。賊掘城東南角。城內作迂城。

南史識小錄

卷十三 賊臣傳

三

形如卻月。以捍之。城中望援。軍中外斷絕。有羊車  
兒獻計。作紙鴉。繫以長繩。藏敕於中。因西北風而放。  
冀得書達。羣賊駭之。謂是厭勝之術。又射下之。城  
中圍久。脛味。內味也。頓絕。軍士煮弩。燻鼠。捕雀。食之。壞  
尚書省。爲薪。撤薦。剝以餉馬。御甘露厨。有乾苔。味酸。  
鹹。分給。軍士。屠馬於殿省間。鷺之雜。以人肉食。  
者必病。吳湘東王記室參軍蕭賁。骨鯁。七也。恨湘東  
不入。援嘗與王雙陸。食子未下。賁曰。殿下都無下意。  
景見。武帝出。謂人曰。吾嘗據鞍對敵。矢刃交下。意  
了無怖。今見蕭公使人自嚮。初簡文寒夕詩云。雪  
花無有帶冰鏡。不安臺。後人以爲詩識。謂無帶者是。

無帝不安臺者臺城不安景召簡文幸西州酒闌  
上命景唱經景問其偽儀同索超世何經最小超世  
曰惟觀世音小景卽唱爾時無盡意菩薩上大笑

江南大飢芟實荇花所在皆罄草根木葉爲之凋殘  
吳百姓流亡死者塗地父子攜手共入江湖弟兄相  
邀俱緣山岳其絕粒久者烏面鵠形俯伏牀帷不出  
戶牖者莫不衣羅綺懷金玉交相枕藉東陽人李  
贍起兵爲賊所執景先斷其手足乃剖心腹瞻言笑  
自若見其膽如升焉景矯詔自加宇宙大將軍都  
督六合諸軍事以詔文呈簡文簡文大驚曰將軍乃  
有宇宙之號乎景篡位升壇唱警蹕人謂名景而  
南史識小錄卷十三賊臣傳  
三

言警蹕非久祥也景以廣柳車載鼓吹豪馳負犧牲  
輦上置垂腳坐將登太極殿醜徒數萬共吹唇唱  
吼而上其景三公之官置十數儀同尤多或疋馬孤  
行自執羈紲王偉請立七廟景曰前世吾不復憶  
惟阿爺名標且在朔州伊那得來敵是衆笑之人景  
修飾臺城及朱雀等門童謠曰的脰烏拂朱雀還與  
吳百都下王侯廟樹成殘毀惟文宣太后廟柏獨鬱  
茂景伐之再宿悉林生翠茂識者以爲昔僵柳起於  
士林乃表漢宣之興今廟樹重青必彰陝西之瑞  
景敗於王僧辯大懼涕下覆面引衾臥良久方起歎  
曰咄叱咄叱誤殺乃公初景爲丞相居於西州將

帥謀臣朝集行刻門外謂之牙門。景敗將逃王偉按劍攬轡諫曰自古豈有叛天子。齊文宣夢獼猴坐御牀煮景子於鑊。景篡立後著白紗帽而尙披青袍頭插象牙梳牀上常設胡牀及筌蹄著靴垂腳坐。景好走馬遨遊自爲天子王偉不許輕出鬱怏失志曰吾無事爲帝與受擯不殊。景每登武帝所常幸殿恆聞叱咄者又處宴居殿一夜驚起若有物扣其心。天監中沙門釋寶誌曰掘尾狗子自發狂當死不死崎人傷須臾之間自滅亡起自汝陰死三湘又曰山家小兒果攘臂太極殿前作虎視狗子景小字山家小兒猴狀起自懸瓠卽昔之汝南巴陵有南史識小錄卷十二賊臣傳

三

地名三湘景奔敗後其言皆驗。臺城陷武帝曰侯景必得爲帝但不久耳破侯景字成小人百日天子爲帝當百日果驗。大同中太醫令朱耽夢犬羊各一在御坐。旣而景登正殿焉。景將敗有僧通道人者意性若狂景信敬之景於後堂與其徒共射僧通在坐奪景弓射景陽山大呼云得奴已景後又宴集其黨又召僧通僧通取肉盪鹽以進景問曰好不景答所恨大鹹僧通曰不鹹則爛。及景死僧辯截其二手送齊文宣傳首江陵果以鹽五斗置腹中送于建康暴之于市百姓爭取屠膾羹食皆盡焚骨揚灰罹其禍者以灰和酒飲之。江陵謠曰苦竹町市南有

好并荊州軍殺侯景及景首至煮而漆之元帝付諸  
議參軍李季長宅宅東卽苦竹町也旣加鼎鑊卽用  
市南水焉以上侯景傳王偉檄文指元帝曰項羽重瞳

尙有烏江之敗湘東一目甯爲四海所歸帝以釘釘  
其舌於柱殺之王偉傳周迪性質朴不事威儀冬則

短身布袍夏則紫紗祿腹居常徒跣雖外列兵衛內  
有女伎授繩破篋傍若無人周迪傳於是村屯塢壁

之豪郡邑巖穴之長恣陵侮而爲暴資剽掠以爲雄  
論

### 梁陳書補

懷朔鎮將高榮收集鮮于脩禮部下攻殺  
吐斤洛周盡有其衆謂之葛賊景上表請降曰宜

南史議小錄

卷十三 賊臣傳

三五

應隕首流腸溘焉罔貳觀兵汝頴擁旆周韓秣

馬潛戈聞茲寸款惟應霈然齊文襄喻景書或

殺身成仁或去食存信比性命於鴻毛等節義於熊  
掌續統祿期綱繆寤語義貫終始情存歲寒旗

鼓相望埃塵相接勢如沃雪事等注螢螢北齊書文襄紀作螢

刷心盪意除嫌去惡卷甲來朝垂囊還闕景

報書運鼓推鋒專欲屠滅梁道雍熙方欲苑五岳

而池四海吳兵冀馬義勇如林大風一振枯幹

必摧凝霜颯落秋蒂自殞士馬精新撫弦擗矢

景抗表曰方欲挂旆嵩華懸旌冀趙夷凶翦亂

或聲言臣反或啟臣繼介願得升赤墀踐文石

口陳枉直指畫臧否 景矯詔雲名水號之君龍官

人爵之后啟符河洛封禪岱宗 鷹符作帝出震登

皇浹寓歸仁綿區飲化 跨瀚海以揚鑣等塗山而

比轍 元龜出洛白雉歸豐 上德英姿 鳳集虬

翔 陶宏景隱於華陽山嘗為詩曰夷甫任散誕平

叔坐談空不意昭陽殿化作單于宮後侯景果居昭

陽殿以上梁書 天嘉三年討周迪尚書下符曰濯

其泥沙假以毛羽裁解豚佩仍剖虎符 卵翼之恩

龍節繡衣熊旗組甲 批熊之旅驅馳越電振武

之衆叱咤移山按武當是虎 朽株將拔非待尋斧

落葉就殞無勞烈風 去草絕根在於未蔓撲火止

南史誠小錄 卷十三 賊臣傳 十四

燎賁乎速滅 千里同期百道俱集以上陳書 人世

祖討留異詔四罪難宏大媽之所無赦九黎亂德少

吳之所必誅 披襟解帶敦喻殷勤以上留 世祖

討陳寶應尚書下符曰起家臨郡褰地置州 紫泥

青紙遠賞恩澤鄉亭龜組頌及嬰孩 按轡揚旌夷

山 煙谷以上陳 寶應傳

**補** 宋書索虜傳

索頭虜姓託跋氏漢將李陵後也有數百千種各立

名號索頭其一也後稱曰魏治代郡桑乾縣之平城

其俗以四月祠天六月末率大衆至陰山謂之卻霜

陰山去平城六百里深遠饒樹木霜雪未嘗釋蓋欲

以暖氣卻寒也。託跋開暴虐好殺有神巫誠開當有暴禍惟誅清河殺萬人乃可以免開乃滅清河一郡常手自殺人欲令其數滿萬恆變易寢處人莫得知惟愛妾名萬人知其處萬人與開子清河王私通慮事覺令萬人爲內應夜伺開獨處殺之開臨死曰清河萬人之言乃汝等也。

按開卽魏道武帝北史云諱珪亦不載明此事

竺夔守青州城外作東西南北塹虜於城北鑿長圍夔命善射五十人依牆射虜虜騎數百馳來圍牆內納射固牆死戰虜下馬步進城上弓弩俱發虜乃披散虜遂墮外塹引高樓四所蝦蟇車二十乘置長圍內夔先鑿二地道通外塹復鑿裏塹內去城二丈作子塹遣人出地道欲燒虜攻具回風轉燭火不得然虜墮三塹盡平惟餘子塹蝦蟇車所不及虜以撞攻城夔募人於城上係大磨石椎之又於子塹中用大麻絕張骨骨攻車近城從地道中力挽令折虜克虎牢徐羨之等請罪表令殺節之臣抱忠傾覆

謂毛德祖

少帝曰湯贊投命均節在危烈撓太祖有志北

略使告燾河南舊是宋土今當修復舊境不關河北燾怒曰我生頭髮未燥便聞河南是我家地此豈可

得將軍長沙王義欣告司兗二州曰我武皇帝靈武紛紜雷動風舉響軼龍堆聳浮雲朔陵天振地拔山蕩海遐夷慕義雲騰波湧昭德履信被藝襲

文 嘉謀動蒼天精氣貫辰緯 幕府忝任稟承廟

算翦爪明衣誓不顧命 紅旗絳天素甲奪日 虎

步中原龍超河渚 羣豎颺扇 赤旗授首 賞褒

先附威加後服 披榛委誠 虜鎮東將軍武昌王

伐仇池移書曰分命五等磬聲之臣助揚難常報復

肅以國授太子下書曰諸朕功臣勲勞日久皆當

雍容高爵願神養壽不須復親有司苦劇之職史與此

武紀太平真君四年文異 肅移書兗州欲游獵具區兗州答移

曰此邦解網舍前矜 蜺育 蠶七澤八藪禽獸豐碩

蓋吳上表曰義風一鼓率土響同 獫狁侏張侵暴

中國使長安為豺狼之墟鄴洛為蜂蛇之藪 太祖

南史識小錄 卷十三 索虜傳 三

詔羣臣曰吾少覽篇籍遊元玩采未能息卷 自纓

紉世務情兼家國 師饑代有齊民塗炭 北并侯

若庫辰樹蘭移書豫州曰兩民之居烟火相接來往

不絕情偽繁興是以南疔北入北姦南叛奸宄侵盜

滋蔓寇擾譬猶蚤蝨疥癬雖為小疴令人終歲不安

自占封疆有畔各自禁斷自今以後魏宋二境宜

使人迹不過 豫州刺史南平王鐸答移曰但彼和

好以來矢言每缺侵軼之弊屢違義舉 或狐奔鼠

竄逃首北境而輒便苞納資其糧仗縱為寇賊 消

奸弭暴永存匪石 驚蹕逸鏃不妄入境 虜攻圍

懸瓠城世祖遣千騎襲之元帥劉泰之直向汝陽至

虜都燒其輜重營內有數區氈屋屋中皆有帳帳內諸大主帥悉殺之諸亡口走呼云官軍痛與手虜衆一時奔散 燾攻懸瓠南師無功爲燾所侮與太祖書曰禽我卑將便鎖腰苦役以辱之 奸人以貨諂引誘我邊民 頃者往索眞珠璫略不相與今所餓截鬪體可當幾許珠璫也 我今北征先除有足之寇 取彼亦須我兵刃此有能祝婆羅門使鬼縛彼送來 後聞太祖有北伐意又與書曰彼年已五十未嘗出戶如三歲嬰兒復何知我鮮卑常馬背中領上生活 大舉北伐募天下弩手 燾至瓜步欲渡

江大具水軍爲防禦陳艦列營周五江畔自采石至

南史識小錄

卷十二 索虜傳

七

暨陽六七百里船艦蓋江旗甲星燭 又募人賫冶葛酒置空村中欲以毒虜竟不能傷 燾不飲河南水以駱駝負河北水自隨一駱駝負三十斗 苜蓿一號大檀又號檀檀匈奴別種無城郭逐水草畜牧以瓊帳爲居深山當夏積雪平地數千里無青草馬牛斃枯噉雪自然肥健以上 匈奴自漢氏以前綿跨年世紛梗外區驚震中寓周無上算漢收下策 剽銳挫鋒 屬鞭凌厲氣冠百夫 雖冒頓之鷲勇檀石之驍強不能及也 裂土分區華氓戎落 土女喧惶 天子內鎮羣心外御羣寇 役弱民徭費殫府實 翦我淮州俘我江縣 喋喋黔首踟高天

踏厚地而無所控告強者爲轉屍弱者爲繫虜。自  
江淮至於清濟戶口數十萬自免湖澤者百不一焉  
村井空荒無復鳴雞吠犬六州蕩然無復餘蔓殘構  
至於乳燕赴時銜泥靡託。一杖之問連窠十數春雨  
裁至增巢已傾甚矣哉覆敗之至於此也。侵疆軼  
戍華服蕭條鞠爲茂草。夫地勢有便習用兵有  
短長胡負駿足平原悉車騎之地南習水鬪江湖固  
舟楫之鄉若謂墮裘之民可以決勝於荆越必不可  
矣而曰樓船之夫可以爭鋒於燕冀豈或可乎虞翻  
所謂走不逐飛蓋以我徒而彼騎也。以上論

補南齊書魏虜傳

南史識小錄卷十三索虜傳

三

4

匈奴種也亦謂鮮卑被髮左衽故呼爲索頭。什翼  
珪都平城猶無城郭佛狸始大築所居雲母等三殿  
立重屋居其上飲食厨名阿眞厨妃妾皆住土屋婢  
使千餘人織綾錦販賣酤酒養猪羊牧牛馬種菜逐  
利又有懸食瓦屋數十間。城西祠天壇立四十九  
木人長丈許白幘練裙馬尾被立壇上以四月四日  
殺牛馬祭祀。其國中相稱皆呼爲某眞如內左右  
爲直眞外左右爲烏矮眞通事人爲乞萬眞三公貴  
人通謂之羊眞之類。正殿施流蘇帳金博山龍鳳  
朱漆畫屏風織成幌。正殿西築土臺謂之白樓萬民  
禱位後常遊觀其上臺南有伺星樓宮門稍覆以屋

並設削泥采畫金剛力士胡俗尙水又規畫黑龍相  
盤繞以爲厭勝齊胸山戊土玄元度自云臂上有  
封侯志世祖在東宮與元度書曰努力成臂上之相  
也干城南有干水世號爲索干都按錢大昕攷異  
曰索干卽桑乾  
轉之土氣寒凝議遷都洛京魏使蔣少游有機巧密  
令觀京師宮殿楷式崔元祖啟世祖曰少游欲模範  
宮闕豈可令甑鄉之鄙取象天宮佛狸討羯胡於  
長安殺道人且盡及元嘉南寇獲道人以鐵籠盛之  
後佛狸感惡疾自是敬畏佛教宏父如禪位後黃  
冠素服持戒誦經道人法秀等謀反事覺囚法秀  
加以籠頭鐵鎖無故自解脫虞穿其頸骨使咒之曰  
南史識小錄卷十三索勇傳

无

若復有神當令穿肉不入遂穿而殉之宏下詔曰

奄丁窮罰謂母喪

宏西郊天壇處宏與公卿戎服繞

壇宏一周公卿七匝謂之蹋壇明日復戎服登壇祀

天宏又繞三匝公卿七匝謂之繞天以繩相交絡

紐木枝根覆以青繒形制平圓下容百人坐謂之爲

織一云百子帳也於此下宴息齊人使魏常謂其

臣下曰江南多好臣魏李元凱對曰江南多好臣歲

一易主江北無好臣而百年一主太和十七年修

齊文誓清江祲志廓衝靈知彼有大艾謂齊世輟

鑿止軻宏寇壽陽軍中有黑氈行殿容二十人坐

鐵騎爲羣步軍皆烏楯槩綴以黑蝦蟇幡載軍資妓

女三十餘萬人登入公山賦詩而去元英寇南鄭

兵退入斜谷會天大雨軍馬合漬載竹煮米於馬上持炬炊而食宏攻南陽遣謂房白玉曰卿此城是

我六龍之首無容不先攻取宏引軍向城南溝橋上過伯玉先遣勇士著斑衣虎頭帽從伏竄下忽出

宏人馬驚退宏大舉南寇三十六軍衆號百萬諸

王軍朱色鼓公侯綠色鼓伯子男黑色鼓並有鼙角吹脣沸地圍新野城遣人謂太守劉思忌曰房伯

玉已降汝南何獨自取麋碎城陷思忌曰甯爲南鬼不爲北臣王肅奔虜宏妻以公主封平原郡公

爲宅舍以香塗壁乞佛馬居說咸陽王禧曰殿下南史識小錄卷十三索勇傳三

便可據洛城天子必走向河北仍斷河橋爲河南天子以上以逸代勞坐徵百勝提戈荷甲深壘結

防向義之徒傾巢盡室獯雄南逼梯衝之害鼓掠所亡於鼓彌年南陽覆壘新野頽陸以上

南史識小錄卷十三終

南史識小錄卷十三終

南史識小錄卷十三終

南史識小錄卷十三終

南史職小錄卷十四

錢唐沈名蓀潤芳秀水朱昆田文益原輯

錢唐張應昌補

宋書志

今鼓吹饒歌雖有章曲樂人傳習口相師祖所務者聲不克訓以義樂論 聖帝哲王咸有瑞命之紀所以

神明寶位幽贊禎符 道至天而甘露下德洞地而醴泉出金芝元秬之祥朱草白鳥之瑞論符瑞 魏晉

以來遷徙百計一郡分爲四五一縣割成兩三昨屬荆豫今隸司兗朝爲零桂之士夕爲廬九之民 有

晉東遷遺氓播徙民單戶約不可獨建故魏邦而有韓邑齊縣而有趙民論地理以上志序 四民月令曰祖者

南史識小錄卷十四 宋書志 道神黃帝之子累祖好遠遊死道路故祀以爲道神

或曰百代遠祖名諡彫滅游魂無託故以初歲良辰建華蓋揚綵旌以昭靈爽論祖 祖冲之答法興曰

唐篇夏典莫不揆量周正漢朔咸加該驗 詩稱流火蓋略舉西移之中以爲驚寒之候 豈得春纏義

方秋麗仁域 夏禮未通商典濩容豈襲韶節 讖記碎言不敢依述 甄耀測象料分析度以上志 晉

制皇帝聘后稱前太尉參軍都鄉侯糞土臣何琦稽首再拜承制詔 迎后答詔臣蠓蟻之族猥承大禮

孝武納王后納采問名納吉請期迎昏皆用白雁白羊各一頭酒米各十二斛惟納徵羊一頭元纁用

帛三正絳二正絹二百疋虎皮二枚錢二百萬玉璧  
一枚馬六頭酒米各十二斛鄭元所謂五雁六禮也

明帝泰始五年孫詵議聘幣之典曰珪璋之用實  
均璧品采豹之彰義齊虎文 舊時歲旦設葦茨桃

梗礫雞於宮及百寺門以禳惡氣漢儀則仲夏之月  
設之有桃卯無礫雞按礫雞起於魏桃卯本漢所以

輔卯金故魏除之 何桂許都賦元正大饗壇彼西  
南旗幕峨峨檐宇宏深 王沈正會賦華幄映於飛

雲朱幕張於前庭緹青帷於兩階象紫極之崢嶸  
正旦元會設白虎樽於殿庭樽蓋上施白虎有能獻

直言者發此樽飲酒按禮記有杜蕢揚禪事其後畢  
南史識小錄卷十四宋書志

獻揚禪謂之杜舉白虎樽蓋其遺式畫為虎是後代  
所加欲令言者猛如虎無所忌憚也 永初元年詔

停慶冬使 郊祀藉用白茅器用陶匏瓦樽盛酒瓦  
罍斟酒蒯席各二不設茵蓐古者席藁晉江左用蒯

宋元嘉二十年定親耕圖注辰地八里外制千畝  
立御耕壇設青幕於上孟春上辛後吉亥日御耕根

三蓋車駕蒼駟青旂著青幘服青袞佩蒼玉帝三推  
三反至於土九推耕竟灑種 晉太康六年定新蠶

儀采桑壇在蠶室西帷宮中門之外桑株在其東取  
民妻六人為蠶母按晉書作列侯妻 蠶將生擇吉日皇后著

十二笄衣青衣垂雲母安車駕六馬女尚書貂蟬佩

璽陪乘載筐鉤公主以下陪從皇后采三條諸妃公主采五條縣鄉君以下采九條悉以桑授蠶母晉

尚書謝石表光武投戈而習誦魏武息馬以修學彫琢琳瑯和寶必至戴邈議學校表荆隨發采琢之美祭酒殷茂曰宏化正俗存乎禮輔性成德

資於學先王所以陶鑄天下津梁萬物元嘉二十

五年大蒐於宣武場設行殿便坐武帳於幕府山南

岡設南北左右四行旌門建獲旗以表獲車校獵官

著袴褶二品以上擁刀備槊麾幡三品以下帶刀皆

騎乘領軍護軍督左右甄大司馬居中董正諸軍平

旦上水一刻奏槌一鼓爲一嚴上水二刻奏槌二鼓

南史識小錄

卷十四

宋書志

三

爲再嚴殿中侍御史奏開東中華雲龍門引仗爲小

駕鹵簿上水三刻奏槌三鼓爲三嚴上水五刻皇帝

出乘輦至行殿降輦登坐侍臣升殿直衛鉞戟虎賁

旌頭文衣鷓尾以次列階正直侍中奏解嚴帝若躬

親射禽變御戎服內外從官悉變服鉞戟抽鞘以備

武衛皇帝從南旌門入射禽各送詣獲旗下事畢大司

於獲車北王公以下射禽各送詣獲旗下事畢大司

馬鳴鼓解圍置樽酒俎肉於中達犒賞衆軍周禮

女巫掌歲時祓除豐浴如今上已水上之類豐浴謂

以香薰草藥沐浴韓詩曰鄭國三月上巳溱洧之上

招魂續魄秉蘭草拂不祥論語莫春浴沂是古有此

禮或用秋漢書八月祓於霸上劉禎魯都賦素秋二  
七。天漢指隅。人胥祓除。國子水嬉。是用七月十四日。  
自魏以後。但用三日。不以巳。大明五年。皇太子妃  
薨。樟木爲觀。號曰樟宮。晉咸康七年。詔山陵凶門。  
柏。歷門。大爲煩費。停之。按蔡謨說。以二瓦器盛死者  
之祭。繫於木裏。以葦席置庭中。名爲重令之凶門。是  
其象也。范堅曰。凶門非古。古有懸重形似凶門。後人  
出之門外。以表喪俗。遂行之。薄帳。卽古弔幕之類。

漢以後。天下送死。奢靡作石室石獸。碑銘等。魏武  
禁立碑。魏甘露二年。太原王倫卒。倫兄俊作表。德論  
云。祇畏王典。不得爲銘。撰錄行事。就刊於墓之陰。云

南史識小錄

卷十四 宋書志

四

爾此則碑禁尙嚴也。後復弛替。三公黃閣前史無

其義。按宋門洞。啟當陽之正色。故三公黃其閣。以示  
謙蓋。是漢來制。大明五年。宗祀明堂。詔南。腦勁越

西。髓剛戎。萬物棣通。百神薦祉。江夏王義恭。請

封禪表。上稽乾武。比李已實。靈茅已茂。雕氣降

雩。於宮榭。珍露呈味於禁林。又四年。有司奏元勳

上烈。系聲綴采。鏤迹以燻。今鑄德以甄遠。豈徒

深默。修文淵。幽馭世而已。滕非虛奏。書非妄埋。

奏玉郊宮。禋珪元時。天岱發靈。宗河開寶。練時

涓日。神總氣昌。榮露騰軒。蕭雲掩閣。駢繭在參

雲。鸛竦翼。海鯨涿流。升文中岱。登牒天關。懸

捷動音洪鐘竦節。玉鏞石潤響。辨年問老。滕書。

璽玉之禮。竦石繩金之儀。漢儀祭蠶神曰苑。窳婦。

人寓氏公主。邱景先議周禮鬯人山川四方用脈。

按脈通辰祭社肉盛。以蜃器故謂之脈。則盛酒當以蠡格。宋武帝禁

淫祀。蔣子文祠以下皆毀。孝武時更起蔣山祠。加蔣

侯爵位。至相國大都督。中外諸軍事。鍾山王蘇侯驃

騎大將軍。按此條可補前齊本紀所未備。明帝立九州廟於雞籠

山大聚羣神。漢金根車重輪二轄疏轂飛輪翠羽

蓋黃裏。所謂黃屋也。漢官鹵簿圖乘輿大駕御鳳

皇車。以金根為副。又五色安車。立車。如方色。所謂五

時副車。俗謂五帝車也。道車五乘。游車九乘。在乘輿

南史識小錄卷十四宋書十七五

前又有象車。最在前。試橋道。獵車一名蹋猪車。後

漢志魏文帝改曰蹋虎車。指南車。周公所作。以送

荒外。遠使後漢張衡。魏馬鈞皆造之。遭亂不存。石虎

使解飛姚興。使令狐生又造焉。宋武帝平長安得之。

制如鼓車。設木人於車上。舉手指南。車回轉。所指不

移。大駕鹵簿最先。啟行祖冲之巧思。更構造百屈千

回。未嘗移變。晉代又有指南舟。記里車。制如指南

上有鼓車行一里。木人擊一槌。輦車宮中所乘。或

人輓。或駕果下馬。漢成帝欲與班婕妤同輦。是也。

犢車。漢諸侯貧者乃乘之。其後轉見貴孫權之車。八

牛。卽犢車也。以雲母飾犢車。謂之雲母車。臣下不

得乘以賜王公。晉又有四望車。漢制惟賈人不得乘馬車其餘皆乘之吏赤蓋。杠餘則青蓋。杠相風非古制何承天謂戰國兵爭師旅數出懸鳥之設務察風候。晉武帝問侍臣旄頭何義彭推對曰秦國有怪觸山截水無不崩潰惟畏旄頭故虎士服之說無所據按天文畢昂之中謂之天街故車駕以畢罕前引畢方昂員因其象也星經昂一名旄頭故使執之者冠皮毛之冠也。舊有充庭之制臨軒大會

陳輿輦旌鼓於殿庭張衡東京賦龍輅充庭雲旗拂霓。侍臣武冠加貂蟬取金堅剛蟬高潔貂勁悍而溫潤此因物生義非其實也蓋趙武靈王變胡秦滅

南史識小錄

卷十四 宋書志

六

趙以其君冠賜侍臣故秦漢以來侍臣有之徐廣曰北土寒涼以貂皮暖額因施於冠侍中左貂常侍右貂。幘古賤人不冠者之服也漢元帝額有壯髮始引幘服之玉莽頂禿又加屋也。左傳韎韐注先儒云韎絳色今時伍伯衣。孫皓造金璽六枚又有麟鳳龜龍靈馳馬鴨頭雜印。虎賁服錦文衣宰人服離支衣。沈侯之議帝樂五殊王禮三變。天子坐漆牀居朱屋。殿屋爲員淵方井兼植荷華者以厭火祥也。鞶古制也漢鞶囊在腰側或謂之傍囊或謂之綬囊以盛綬也。古者貴賤皆執笏有事則搢之於腰帶所謂搢紳之士者搢笏而垂紳也笏有

事則書故當簪筆今之白筆是其遺象三臺五省二品文官簪之加內侍位者簪之手板卽古笏也尚書令僕射尚書手板頭有白筆以紫皮裹之朝服肩上有紫生袷囊

作袷一綴之朝服外俗呼曰紫荷按南齊志云肩上紫袷囊名紫囊隋書志云綴白筆裹紫囊

爲笏中世以來惟八座尚書執笏其餘但執手板近臣負囊簪筆備顧問有所記也又按梁書劉杳傳周捨問杳尚書官著紫荷囊相傳云挈囊何所出杳曰

張安世傳持囊齋筆法云囊囊也漢末王公名士多委王服以幅

巾爲雅袁紹崔鈞之徒雖爲將帥皆著幪巾魏武

擬古皮弁裁縑帛爲恰取其簡易本未有歧荀文若

巾之行觸樹枝成歧謂之爲善因而弗改八國子太

學生冠葛巾執一卷經以代手板帽猶冠也義取

南史識小錄卷十四朱書志

七

蒙覆其首古者冠無幪冠下有纏以繒爲之後世施

幪於冠因裁纏於帽自乘輿宴居下至庶人皆服之

晉時士人宴居著恰有白恰烏紗恰而江左之人已

著帽但其頂員耳後乃高其屋云大明六年以人

駕郊祀法駕祠廟小駕上陵以上禮志後漢正月日德

陽殿受朝賀舍利從西方來戲於殿前激水化成比

目魚跳躍嗽水作霧翳日畢又化黃龍長八九丈出

水游戲又以兩大絲繩繫兩柱頭相去數丈兩倡

女對舞行於繩上相逢切肩而不傾魏晉訖江左

猶有夏青扛鼎巨象行乳神龜拊舞背負靈岳桂樹

白雪畫地成川之樂晉咸康七年散騎侍郎顧臻

表未世之伎逆行連倒頭足入篋之屬皮膚外剝肝  
心內摧足以蹋天頭以履地若此之事不可示遠宜  
下太常纂備雅樂於是除高緹紫鹿跂行鼈食齊王  
卷衣等樂昔有娥氏二女居九成之臺天帝使鸞  
夜往二女覆以玉筐既而發視之鸞遺二卵北飛不  
返二女作歌始爲北音。崙山之女令其妾候禹於崙  
山之陽女作歌始爲南音。夏后孔甲田於黃山大風  
晦冥迷入民室主人方乳或曰後來必大吉或曰不  
勝之子必有殃后乃取以歸曰以爲余子誰敢殃之  
後析橈斧破斷其足孔甲曰嗚呼有命矣乃作破斧  
之歌始爲東音。周昭王南征殞於漢中王右辛餘靡  
南史識小錄卷十四 宋書志

八

振王北濟乃封之西翟徙宅西河追思故處作歌始  
爲西音。此四方之音也。周衰有秦青者善謳薛談  
學謳於青未窮青之伎而辭歸青餞之於郊撫節悲  
歌聲震林木響遏行雲談遂留不去又有韓娥者之  
齊至雍門鬻歌假食既去餘響繞梁三日逆旅人辱  
之韓娥曼聲哀哭一里老幼悲愁垂涕三日不食遽  
而追之韓娥復爲曼聲長詠一里老幼喜躍忭舞忘  
向之悲也故雍門之人善歌哭效其遺聲也。前漢  
有虞公善歌能令梁上塵起。子夜歌有女子名子  
夜造此聲晉太元中琅邪王軻之豫章庾僧虔家皆  
有鬼歌子夜則子夜是此時以前人。鳳將雛舊曲

也應璩詩爲作陌上桑反言鳳將雛 團扇歌晉中

書令王珉與嫂婢有情甚篤嫂撻婢苦婢善謳而珉好捉白團扇故制此歌 督護歌彭城內史徐逵之

爲魯軌所殺宋高祖使督護丁旼殯埋之逵之妻高祖長女也呼旼問斂送之事每問輒歎息曰丁督護

其聲哀切後人因其聲廣其曲焉 懊懷歌晉隆安初民間謠曲宋少帝更制新歌太祖謂之中朝曲

晉鞞舞歌鐸舞歌幡舞歌鼓舞伎並陳於元會 晉初有柷檠舞張衡舞賦云歷七檠而縱躡顏延之云

遍間關於檠扇皆以七檠爲舞也漢世惟有柷舞而晉加之以柷反覆之歌曰晉世甯舞杯檠太康中天

南史識小錄 卷十四 宋書志 九 下爲晉世甯之舞夫柷檠反覆至危也言晉世之甯猶柷檠之在手也 歌曰以下見 公莫舞今之巾舞

也相傳云項莊劒舞項伯以劒隔之語莊云公莫云莫害漢王也按琴操有公莫渡河曲則其聲從來已久云項伯非也 阿子及歡聞歌者晉穆帝升平初

歌畢輒呼阿子汝聞不後人演其聲爲二曲 江左有白紵舞舞辭有巾袍之言紵本吳地所出宜是吳

舞晉俳歌又云皎皎白紵節節爲雙吳音呼紵爲紵疑白紵卽白緒也 王僧虔表家競新哇 誼醜之

製盛於廬里 琴齊桓號鍾楚莊繞梁相如焦尾伯喈綠綺出傳元琴賦世云焦尾伯喈琴以傅氏言之

伯喈琴以傅氏言之

則非伯喈也

昌按王伯厚困學紀聞樂門引此云今按蔡邕傳章懷注引琴賦序相如綠綺

宋志誤也

傅元琵琶賦曰漢遣烏孫公主嫁昆彌

念其行道思慕故使工人裁箏箏為馬上之樂從方

俗語名曰琵琶空侯初名坎侯漢武帝滅南越祠

太乙后土用樂令樂人侯暉依琴作坎侯言坎坎應

節奏也侯者因工人姓爾後訛坎為空古施郊廟雅

樂近專用於楚聲趙宋大明中吳興沈懷遠徙廣州

造繞梁其器似空侯不傳漢章帝時零陵文學奚

景於舜祠得笙白玉管殆後世易之以竹乎古以玉

為管舜時西王母獻白玉琯笛起近世出羌中馬

融長笛賦云京房邱仲工其事皆漢武帝時人其後

南史識小錄

卷十四

宋書志

十

更有羌笛爾筋漢舊注曰筋號曰吹鞭晉先蠶注

車駕住吹小筋發吹大筋務成黃爵元雲遠期皆

騎吹曲晉江左初臨川太守謝擢每寢輒夢聞鼓

吹有人击之曰君不得生鼓吹當得死鼓吹爾擢擊

柱張戰沒贈葬給鼓吹焉謝尚為江夏太守詣安

西將軍庾翼於武昌咨事翼與尚射曰卿若破的當

以鼓吹相賞尚射破的以其副鼓吹給之角出羌

胡以驚中國馬築城相杵者出自梁孝王孝王築

睢陽城造倡聲以小鼓為節築者下杵以和之後謂

此聲為睢陽曲魏晉之世有孫氏善宏舊曲宋識

善擊節倡和陳左善清歌列和善吹笛郝索善彈箏

朱生善琵琶尤發新聲傳元曰設此六人生於土世何但夔牙同契哉蓋自茲以後皆孫朱等遺則也

宋南郊登歌表海炳岱宅中拓宇互地稱皇罄天

作主月竈來賓日際奉土有牲在縣有潔在俎

以薦王衷以答神祐奔精照夜高燎煬晨告成

大報受釐元神丹御按節星驅扶輪又明堂歌

構瑤祀鑿珠簾漠拂幌月棲檐雍臺辨朔澤宮練

辰潔火夕照明水朝陳六瑚賁室八羽華庭內靈

八輔外光四瀛復殿留景重檐結風刮楹接緯達

嚮承虹而五帝歌辭凱風扇朱辰白雲流素節夜

光徹地翻霜照河福九域祚八鄉神之車歸清

南史識小錄卷十四宋書志十一

都璇庭寂玉殿虛晉宣武舞歌承命曰進退疾騰

鷄龍戰而豹起晉宗廟歌網籠江漢義蓋山河

如彼晨離耀景扶桑慶雲承掖甘露飛甍懷

遠燭幽邁德流仁芳烈雲布晉四廂樂歌三正

元辰朝慶鱗萃九賓在庭臚讚既通又正德舞

歌象容表慶協律被聲豐肴萬俎旨酒千鍾宋

四廂樂歌稽則黃軒將將蕃后翼翼羣僚多士

盈九位宋宗廟歌淡天奉賚罄壤齊慶助寶奠

軒酌珍充庭鬱懸凝會瑁珠竝聲蕭芳四舉華

火周傳奕奕閔幄妮妮嚴闈黼帟神凝玉堂歲

幣圖火夕耀方水朝清釭璧彤輝華漢浮天

皇帝入廟辭行。金景送步。玉風韶。升歌。朔節。下管調風。太后神室辭上。緯。縷祥中。維飾詠。膺華丹。

耀登瑞紫穹。薰藹中。字景。躍上微。皇帝詣便殿。辭蹕動端庭。鑿回嚴殿。八靈案衛。三祇解途。玉鏤

息節。金輅懷音。但歌四曲。出自漢世。無絃節一人。

唱。三人和。魏武時有宋容華者。善此曲。自晉以來。不傳。相和亦漢舊歌。絲竹更相和本十七曲。朱生宋識。

列和等合之爲十三曲。相和歌。駕六龍。篇。駕六龍。

乘風而行。行四海外。東到泰山。仙人玉女下來。翱翔。

乘雲。駕龍。鬱何務。務。按務音媚茂也。游君山。乃到王母。

臺。金階玉爲堂。芝草生殿傍。蒿里行。關東有義士。

南史。誠小錄。卷十四。宋書志。上。白骨露於野千里。無雞鳴。對酒歌。

太平時篇。皆至治之世語。雞鳴高樹顛。篇黃金爲君門。碧

玉爲軒闕。堂上雙樽酒。作使邯鄲倡。舍後有方池。

池中雙鴛鴦。鴛鴦七十二。羅列自成行。桃生露井

上。李樹生桃旁。蟲來齧桃根。李樹代桃僵。烏生篇。

烏生八九子。端坐秦氏桂樹間。秦氏有蕩子。左手持

強彈。兩丸出入。烏東西。一丸卽發。中烏身。烏死魂魄

飛揚上天。阿母生烏子。乃在南山巖石間。咄我人民

安知烏子處。陌上桑詞。今有人兮山之阿。被服薜

荔。帶女蘿。既含睇。又宜笑。乘赤豹。從文狸。辛夷車

駕結桂旗。雲容容而在下。風瑟瑟木搜搜。駕

虹蜺乘赤雲登彼九疑歷王門濟天漢至崑崙見王  
母謁東君交赤松及羨門受要秘道愛精神杜杖桂  
枝佩秋蘭平調短歌行對酒當歌人生幾何譬如  
朝露去日苦多何以解憂惟有杜康明明如月  
何時可掇憂從中來不可斷絕清調苦寒行北上  
太行山艱哉何巍巍羊腸坂詰屈車輪爲之摧儻  
囊行取薪斧冰持作糜董桃行采取神藥若水端  
白兎長跪擣藥蝦蟇丸奉上陛下玉梓服此可得  
仙瑟調善哉行朝遊高臺觀夕宴華池陰齊倡發  
東舞秦箏奏西音輕舟竟川初鷁依浦來日大  
難口燥唇乾今日相樂皆當喜歡東門行人門恨

南史識小錄

卷十四

雜書志

三

欲悲益中無斗儲還視桁上無懸衣拔劍出門去兒  
女牽衣啼他家但願富貴賤妾與君共餽糜水上用

倉浪天不爲黃口小兒

按四庫考證據本卷內古豔歌倉浪當作滄浪言天之色

如水

豔歌羅敷行東方千餘騎夫婿居上頭何用識

夫婿白馬從驪駒青絲繫馬尾黃金絡馬頭腰中鹿

盧劍可直千萬餘斗五府小史二十朝大夫三十侍

中郎四十專城居爲人潔白皙鬢鬢頗有鬚盈盈公

府步冉冉府中趨坐中數千人皆言夫婿殊西門

行人生不滿百常懷千歲憂步出夏門行驥老伏

櫪志在千里烈士暮年壯心不已何嘗行何嘗快

獨無憂但當飲醇酒炙肥牛鞍馬馭馭往來王侯

長者遊 男兒居世蹙迫日暮 野田黃雀行置酒

高殿上親交從我游主稱千金壽賓奉萬年酬 驚  
風飄白日光景馳西流生存華屋處零落歸山邱

滿歌行命如鑿石見火 白頭吟今日斗酒會明旦  
溝水頭蹀躞御溝上溝水東西流 竹竿何嫋嫋魚

尾何離篔男兒欲相知何用錢刀爲 楚調明月篇  
君爲高山柏妾爲濁水泥 魏贛舞歌孟冬篇崑尤

蹕路風弭雨停 虎賁采騎飛象珥鷄 平林滌藪  
蹈谷超巒 牽麋倚鹿頓熊扼虎 走馬行酒醴驅

車布肉魚鳴鼓舉觴爵大官供有無 魏拂舞歌獨  
祿篇獨漉獨漉水深泥濁泥濁尚可水深殺我 齊書

南史識小錄卷十四 宋書志 十四  
卷十一 志云古辭求祿求祿清自不濁清白尚可  
貪汙殺我祿晉歌爲鹿字古通用疑是風刺之辭

淮南王篇後園鑿井銀作牀金瓶素綆汲寒漿 帝  
圖頌鹿毳霜鮮 甘露降和花雪表年 漢鼓吹鏡

歌戰城南曲戰城南死郭北野死不葬烏可食爲我  
謂烏且爲客豪野死諒不葬腐肉安能去子逃 北

陵曲桂樹爲君船青絲爲君竿木蘭爲君櫂黃金錯  
其間 芝爲車龍爲馬覽遨游四海外 有所思曲

有所思乃在大海南遣君雙珠璫簪用玉紹繚之  
聞君有它心拉雜摧燒之摧燒之當風揚其灰從今

以後勿復相思 臨高臺曲臨高臺以軒下有清冰  
清日寒江有香草日以蘭 秋風篇角弓持弦急鳩

鳥化爲鷹 何承天造鼓吹鏡歌臨高臺篇飄然輕  
舉臨太虛雲衣雨帶乘風翔以上樂志 天地之體如鳥

卵天包地外猶殼裏黃形渾渾然故曰渾天 天高  
窮於無窮地深測於不測 渾儀義和舊器卽機衡

也康成云動運爲機持正爲衡皆以玉爲之以上天文志

燧人之世有大迹出雷澤華胥履之而生伏羲有

景龍之瑞 有神龍首感女登於常羊山生神農氏

致大火之瑞 軒轅氏母附寶見大電光澆北斗星

星感生黃帝於壽邱龍顏有聖德効百神朝而使之

應龍攻蚩尤戰虎豹熊羆四獸之力 有屈軼草

生於庭佞人入朝則指之 有赤方氣與青方氣相

南史識小錄 卷十四 宋書志

五

連赤方中有兩星青方中有一星皆黃色以天清明

時見於攝提名曰景星 黃帝坐於元扈洛水之上

有鳳皇集或止東園或巢阿閣其雄自歌其雌自舞

有大螻如羊大螻如虹 五十年天霧三日三夜

帝遊洛水之上見大魚殺五牲醮之天乃甚雨七日

七夜魚流於海得圖書焉赤文篆字以授軒轅軒轅

接萬神於明庭今寒門谷口是也 女節見星如虹

下流華渚夢接意感生少昊 女樞見璿光星貫月

如虹感生顓頊於若水首戴干戈 帝嚳生而駢齒

登位拊鞀鼓擊鐘磬鳳皇鼓翼而舞 慶都孕帝

堯有黃龍覆護其上觀於三河龍負圖而至其文曰

亦受天祐眉八彩足履翼宿十四月而生堯於丹陵  
狀如圖 堯夢攀天而上 廚中自生肉其薄如萑

搖動風生食物寒而不臭名曰萑脯按本書志又載  
達第 一名倚扇

狀如蓬大葉小根根如絲轉而成風殺 又有草生  
蠅堯時生於厨脯作甫與此字義俱異

階月朔生一莢月半生十五莢十六以後日落一莢

及晦而盡月小則一莢焦而不落名曰糞莢一曰歷

莢 將禪舜修壇於河洛升首山遵河渚有五老游

焉五星之精也相謂曰河圖將來告帝以焉知我者

重瞳黃姚五老因飛爲流星上入昴二月辛丑昧明

禮備至於日昃榮光出河休氣四塞乃有龍馬銜甲

赤文綠色臨壇吐甲圖而去甲似龜背其圖以白玉

南史識小錄卷十四 宋書志

六

爲檢赤玉爲字泥以黃金約以青繩檢文曰闔色授

帝舜帝寫其言藏於東序後二年二月仲辛沈璧於

洛元龜負書而出背甲赤文言當禪舜 握登見大

虹感而生舜於姚墟日重瞳子故名重華 父母使

塗糞焚之舜服鳥工衣飛去又使浚井填之舜服龍

工衣自傍而出 耕於歷山夢眉長與髮等 西王

母獻白環玉珎 舜在位十有四年奏鐘磬笙篳未

罷天大雷雨疾風發屋拔木桴鼓播地鐘磬亂行舜

乃擁璿持衡而笑曰明哉乃薦禹於天子時和氣普

庶慶雲興焉若煙非煙若雲非雲郁郁紛紛蕭索翰

罔百工相和而歌慶雲帝曰慶雲爛兮紉纓纓兮日

月光華旦復旦兮再歌曰養乎鼓之軒乎舞之精華  
以堪褰裳去之乃設壇於河依堯故事 修已見流  
星貫昴旣而吞神珠背剖而生禹於石紐虎鼻兩耳  
參鑊首戴鉤鈞胸有玉斗足文履已故名文命 禹  
觀於河有長人白面魚身出曰吾河精也呼禹曰文  
命治涇言訖授禹河圖言治水之事 受舜禪洛出  
龜書六十五字是爲洪範 南巡狩濟江二黃龍負  
舟 契後十三世主癸之妃扶都見白氣貫月意感  
以乙日生湯號天乙臂有四肘 伊摯將應湯命夢  
乘船過日月之旁 湯至洛觀帝堯之壇沈璧黃魚  
雙鬪黑鳥隨魚止於壇化爲黑玉 檣杪之神見於  
南史識小錄 卷十四 宋書志

十七

邳山有神牽白狼銜鉤而入 湯夢及天而弔之

季歷之十年飛龍盈於殷之牧野 太任夢長人感

已溲於豕牢而生昌胸有四乳 太姒夢商庭生棘

太子發植梓樹於闕間化爲松柏棫柞 甲子赤爵

銜書止於昌戶 王將畋史卜之曰將大獲非熊非

羆天遣汝師至於磻溪之水呂尚釣於涯王下趨拜

曰望公七年乃今見尚立變名答曰望釣得玉璜其

文曰姬受命昌來提撰爾雒鈴報在齊 尚出游見

赤人自雒出授尚書曰命曰呂佐昌者子 有鳳凰

銜書游文王之都 武王駢齒望羊 度孟津白魚

入王舟 日下有赤文成字言紂可伐王寫以世字魚

文消燔魚。以告天有火自天止於王屋流爲赤鳥。鳥銜穀焉。按與史記周本紀異周德既隆草木茂盛蒿藜爲宮

室因名曰蒿宮。周公成王觀於河洛紫光暮河青雲浮至青龍銜元甲之圖元龜止於壇背甲刻赤文成字其言自周訖于秦漢盛衰之符。魯哀公十四年孔子夢三槐之間豐沛之邦有赤煙氣起往視之驅車到楚西北見芻兒摘麟傷其左前足薪而覆之孔子曰兒來汝豈有所見邪兒曰見一禽巨如羔羊頭上有角其末有肉孔子曰天下已有主也爲赤劉陳項爲輔兒發薪下麟示孔子麟蒙其耳吐三卷圖每卷二十四字其言亦劉當起曰周亡赤氣起大懼南史識小錄卷十四宋書志

六

興元邱制命帝卯金孔子作春秋制孝經既成使七十二弟子向北辰星壘折而立使曾子抱河洛事北向孔子齋戒向北辰而拜告備於天曰孝經四卷春秋河洛凡八十一卷謹已備天乃起白霧摩地赤虹自上下化爲黃玉長三尺上有刻文曰寶文出劉季握卯金刀在軫北字禾子天下服漢高帝父曰劉執嘉執嘉之母夢赤鳥若龍戲已而生執嘉是爲太上皇帝母名含始是爲昭靈后游洛池有玉雞銜赤珠刻曰玉英吞此者王后取吞之又寢於大澤蛟龍在其上遂生季秦始皇世有長人十二身長五丈足跡六尺見於隴西臨洮前史以爲秦亡之徵史

臣以爲漢興之符也。自高帝至平帝十五主。光武  
父爲濟陽令。濟陽有武帝行宮。常封閉。光武將產開  
而居之時。有鳳皇集濟陽。於是畫宮爲鳳皇之象。

莽忌漢而錢文有金。乃鑄貨泉。以易之。旣而光武起  
於舂陵。之白水鄉。貨泉之文。爲白水真人也。按此較

光武紀漢元成世道。士言讖者云。赤厄三北。有外  
語爲詳

戚之篡祚。極三六有龍飛之秀。漢三百一十年莽篡

十八年而敗。光武興焉。桓帝時黃星見於楚宋之

分。遼東殷馗曰。後五十年有人起譙沛之間。至建安

五年曹操起。易運期曰鬼在山。禾在文。運玉天下於

是魏受漢禪。漢中平元年黃巾賊起云蒼天已死。

南史識小錄卷十四宋書志

黃天當立。魏氏自云土德之符也。孫堅祖鍾家富

春種瓜爲業。有少少年詣鍾乞瓜。謂鍾曰。此山下葬

之當出天子君。可下山百步許。願見我去。卽可葬也。

鍾去三十步。便反顧見三人並乘白鶴飛去。鍾死卽

葬其地。秦始皇東巡望氣者云。五百年後江東有

天子氣。出於吳而金陵之地。有王者始。皇乃改金陵

曰秣陵。鑿北山以絕其勢。至吳令囚徒十餘萬人掘

汗其地表。以惡名。故曰囚卷縣。今嘉興縣也。漢世術

士言黃旗紫蓋。見於斗牛之間。獻帝時。平中吳中童

謠黃金車。斑闕耳。開昌門。出天子。後孫權稱帝。漢

元成之世。先讖之士有言曰。魏年有和當有開石。於

西三千餘里繫五馬文曰討曹及魏初興張掖刪丹  
縣金山柳谷有石生焉有五馬麟鹿鳳皇仙人之象  
始見於建安形成於黃初文備於太和至青龍三年  
柳谷之元川溢漏石形改易有文字曰大金馬一匹  
中正大吉關壽魏明帝惡其文有討曹鑿之晉受禪  
太尉屬程猗曰金者晉之行也此司馬氏應正吉而  
王之符也 魏武夢三馬在一槽共食其後宣帝景  
文相繼遂傾曹氏 識書曰銅馬入海建業期元帝  
小字銅環 宋武生有奇異名爲奇奴後養於舅氏  
改爲寄奴 宋武少嗜酒偶息於逆旅逆旅嫗曰室  
內有酒自入取之帝入室飲於盜側醉臥地時司徒  
王謐有門生至此嫗曰劉郎在室內可入共飲門生  
入室驚出謂嫗曰見有一物五采如蛟龍門生還白  
謐謐戒使勿言 元嘉中謠言錢唐當出天子乃於  
錢唐置戍軍以防之其後孝武卽位於新亭寺之禪  
堂禪與錢音近也 堯時日月合璧五星連珠 文  
王時五緯聚房漢高入秦五星聚東井 王者耆老  
見敬則柏受甘露尊賢愛老則竹受甘露 麒麟含  
仁戴義音中鍾呂步中規矩牡鳴曰逝聖牝鳴曰歸  
和春鳴曰扶幼夏鳴曰養綏 鳳皇鴻前魚尾鷺立  
而鴛鴦思首戴德而背負仁項荷義而膺抱信足履  
正而尾繫武小音中鍾大音中鼓延頸奮翼五光備

南史識小錄

卷十四

宋書志

干

舉其鳴雄曰節節雌曰足足晨鳴曰發明晝鳴曰土  
朔夕鳴曰歸昌昏鳴曰固常夜鳴曰保長其樂也徘徊  
徘徊雍雍喈喈得鳳之象一則過之二則翔之三  
則集之四則春秋居之五則終身居之神鳥者赤  
神之精色備五采鳴中五音靈龜者神龜也三百歲游於  
葉葉之上三千歲游於卷耳之上知存亡明吉凶  
龍馬者仁馬也河水之精高八尺五寸長頸有翼旁  
有垂毛鳴聲九音騰黃飛兔腰裏皆神馬跌蹠  
者后土之獸能語王者仁孝則至天鹿神獸五色  
濯明角端曉四夷之語周印神獸星宿變化

南史識小錄

卷十四

宋書志

三

黃帝巡狩至於東濱澤獸出能言達萬物之情以戒  
於民爲民除害同心鳥德及遐方四夷合同則至

小鳥生大鳥王者土地開闢則至宋泰始中四

眼龜六眼龜八眼龜迭見三角獸法度修則至一

角獸天下平一則至六足獸謀及衆庶則至比肩獸

德及於寡則至不暴虐則白虎仁銀鹿刑罰得

中則至獬豸知曲直獄訟平則至威香王者禮

備則生嘉禾二苗共秀三苗共秀於商德同木異

稊於夏德異木同秀元嘉二十四年江夏王義恭

賀表海岱獻改緇之羽河祗開侯清之源上頌曰

生知夙獻嶽茂淵虛禎穉秋秀倚扇清庖沈

演之頌煥炳禎圖昭晰瑞典擢秀辰畦揚穎角澤

河漣海夷山華岳耀吳黃龍三年由拳野稻生

改由拳爲禾興孫亮五鳳元年交趾稗草化爲稻

漢元初三年東平陵八瓜同蒂建和二年河東嘉

瓜兩體共蒂元嘉十六年華林池雙蓮同幹十年

天淵池芙蓉異花同蒂晉泰始二年酒泉生嘉柰

一蒂十實咸和六年鎮西將軍獻嘉橘一蒂十二實

三足烏慈孝天地則至白烏宗廟肅敬則至白雀

爵祿均則至金車王者至孝則出象車山之精也

德洽四境則出山車者山藏之精不藏金玉山澤以

時通則山成其車玉馬尊賢則出玉雞至孝則

南史誠小錄卷十四宋書志

至晉建武元年丹陽墾土得白麒麟璽文曰長壽

萬年神鼎知吉凶能輕重不炊而沸五味自生

晉咸康八年廬江春穀縣得玉鼎曹毗上玉鼎頌

霍山常有鐘聲後山崩出六鐘有古文百六十字

金滕平盜賊則出晉穆帝永和元年春穀民得金滕

一枚狀如織滕明年桓溫平蜀丹甌五穀豐熟則

出金人有盛德則至珊瑚鉤王者恭信則見

玉甕不汲而滿水連理德澤純洽八方爲一則生

巨鬯三禺之禾一稗二米宗廟修則出黃帝時南

夷乘白鹿來獻鬯福草宗廟肅則生廟中華平

其枝正平王者德剛則仰德弱則低漢章帝元和中

華平生郡國威蕤生殿前。平露如葢以察四方之  
政其國不平則隨方而傾。宋草草之精也有聖人  
之德則生紫蓬王者仁義則見賓連闕達生於

房室御后妃有節則生浪井不鑿自成王者不

藏金玉則黃銀紫玉光見深山地珠王者不以財

爲寶則生玉女天賜妾也禮會文嘉曰禹時神龍

女降漢章帝建初七年西巡得銅器於岐山似酒

尊詔在道以爲百官熱酒宋泰始二年赭中獲石

柏長三尺二寸係皓天璽元年臨海得石樹高三

尺餘元嘉十八年何承天賀表員神降祥方祇薦

裕三極協情五靈會性陶山練澤離穗合柯

南史識小錄卷十四宋書志

又二十四年沈演之賀表鳴鳳表垂衣之化翔鷗

徵解網之仁大明五年正月元日花雪降殿庭右

衛將軍謝莊下殿雪集衣上以爲瑞公卿並作花雪

詩以上符瑞志王敦在武昌鈴下儀仗生華如蓮五六

日萎落干寶曰鈴閣尊貴之儀鈴下威儀之官今狂

花生於枯木又在鈴閣之間言威儀榮華如狂花之

不久也魏鄧颺行步弛縱筋不束體坐起傾倚若

無手足管輅謂之鬼躁晉元康中貴游子弟相與

爲散髮裸身之飲胡翟侵中國之萌也舊爲屐者

齒皆達榻上名曰露卯太元中忽不做名曰陰卯

謝靈運每出入自扶接者常數人民間謠曰四人挈

衣。裙。二。人。捉。坐。席。是。也。魏武帝始擬古皮弁裁縑帛爲白。帽以易舊服。傅元曰。白乃軍容。非國容也。名之爲恰。毀辱之言也。初爲白。恰。橫縫其前。以別後名之曰顏。至晉永嘉之間。稍去其縫。名無顏。恰。而婦人束髮。其緩。爾甚。紛之。堅不能自立。髮被於額。無顏者。愧之言也。覆額者。慙之貌也。魏明帝著縑帽。被縑。紕。半。袖。見朝臣。楊阜諫曰。此何法服邪。魏景初元年。發銅鑄。巨人。二號曰翁仲。置之司馬門外。按古。長人。見爲亡國之禍。始皇不悟。以爲嘉祥。鑄銅人象之。晉泰始後。中國相尙。用胡牀。貂盤。又爲羗。羗。貂。炙。貴人富室。吉亭嘉會。皆此爲先。太康中。天下又以甌。爲。紕。頭。及。絡。帶。衿。口。百姓相戲曰。中國必爲胡所破也。甌產於胡。而天下以爲。紕。頭。帶。身。衿。口。胡。旣。三。制。之。矣。能。無。敗。乎。昔。作。履。者。婦。人。員。頭。男。子。方。頭。員。者。順。從。之。義。也。太。康。初。婦。人。皆。履。方。頭。晉。元。康。中。婦。人。之。飾。有。五。兵。佩。又。以。金。銀。瑋。瑁。之。屬。爲。斧。鉞。戈。戟。以。當。笄。宋。元。嘉。六。年。民。間。婦。人。結。髮。者。二。分。髮。抽。其。鬢。直。向。上。謂。之。飛。天。紛。始。自。東。府。流。被。民。庶。孝。武。幸。臣。戴。法。典。造。員。頭。履。世。人。效。之。其。時。員。進。之。俗。行。方。格。之。風。盡。明。帝。初。司。徒。建。安。王。休。仁。統。軍。赭。折。制。烏。紗。帽。反。抽。帽。裙。民。間。謂。之。司。徒。狀。晉。永。熙。初。籊。籊。家。人。炊。飯。墮。地。盡。化。爲。螺。被。甲。兵。象。也。

魏明帝青龍中盛修宮室西取長安金狄承露槩折  
聲聞數十里金狄泣於是因留霸城石虎時鄴城  
鳳陽門止金鳳凰二頭飛入漳河姜維歸蜀失其  
母魏人使其母手書呼維令反并送當歸以警之維  
報書曰良田百頃不計一畝但見遠志無有當歸  
吳孫休世烏程民有得困疾及瘵能以響言者言於  
此而聞於彼自其所聽之不覺其聲之大也自遠聽  
之如人對言不覺聲之自遠來也聲之所往隨其所  
向遠者不過十數里其鄰人有責息於外歷年不還  
乃假之使爲責讓懼以禍福負物者以爲鬼神卽傾  
倒昇之其人亦不自知所以然也晉太和以來大  
南史識小錄卷十四宋書上

五

家婦女緩髮假髻以爲盛飾用髮旣多不可恒戴乃  
先作假髻施於木上呼曰假頭人欲借名曰借頭遂  
布天下自此人多離事故或亡失頭首以草木爲之  
假頭之兆也桓元出鎮南州立齋名曰蟠龍後劉  
毅居此齋蟠龍毅小字魏太和中京師歌兒鈴曹  
子共唱曰其奈汝曹何後曹爽誅曹氏遂廢孫皓  
初童謠甯飲建業水不食武昌魚甯還建業死不  
止武昌居皓尋遷都武昌民咸怨焉孫皓天紀中童  
謠阿童復阿童銜刀游渡江不畏岸上虎但畏水中  
龍晉武帝聞之加王濬龍驤將軍及征吳江西衆無  
過者而濬先定秣陵惠帝太安中謠五馬游渡江

一馬化爲龍後中原亂琅邪汝南西陽南頓彭城同  
至江表而元帝嗣晉晉海西公生皇子百姓歌云  
鳳皇生一雛天下莫不喜本言是馬駒今定成龍子  
海西不男使左右向龍與內侍接生子以爲己子

盧龍據有廣州民間謠云蘆生漫漫竟天半後有數  
州地內逼京輦應天半之言又義熙中童謠官家養  
蘆化成荻蘆生不止自成積言寵以名州致其內伐  
其盛成積將芟夷濫崇之而窮也其後滅亡又小兒  
相逢輒舉兩手曰蘆健健及龍內逼舟艦蓋川健健  
之謂也又有謠曰蘆橙橙逐水流東風忽如起那得  
入石頭蘆龍果敗不得入石頭符堅時歌云魚羊

南史識小錄

卷十四

宋書上

宋

田斗當滅秦魚羊鮮也田斗卑也堅自號秦言滅之  
者鮮卑也元康中吳郡婁縣聞地中犬聲掘得雌

雄各一尸子曰地中有犬名地狼永康元年襄陽

郡得鳴石掉之聲聞七八里元康五年武庫火張

華疑有變先固守然後救災是以累代異寶王莽頭

孔子履漢高斷白蛇劍一時蕩盡吳郡臨平湖自

漢末穢塞孫皓天璽元年一夕忽開相傳此湖塞天

下亂此湖開天下平吳尋亡而九服爲一孫皓天

紀三年建業有鬼日菜義熙八年太社生薰樹薰

於文尚黑宋水德將王也晉咸和二年五鷗鳥集

殿庭咸康八年白鷺集殿屋劉向曰野鳥入處宮室

將空 愍帝時丞相府斬督運令史清于伯血逆流  
上柱二丈三尺 蘇峻在歷陽外營將軍鼓自鳴峻  
手斫之曰我鄉上時有此則城空矣俄而夷滅 吳  
興長城縣夏架山有石鼓長丈餘而徑三尺鳴則聲  
如金鼓三吳有兵 魏嘉平四年有二魚集武庫屋  
上 晉太康中有鯉魚二見武庫屋上武庫兵府魚有  
鱗甲亦兵類也魚既極陰屋上太陽魚見屋上至陰  
以兵革干太陽也 晉太安中江夏張騁所乘牛言  
曰天下方亂乘我何之騁懼而還犬又言曰歸何早  
也其年張昌反先略江夏騁爲將帥五州殘亂騁亦  
族滅 蜀鄧芝見元猿緣山手射之猿拔其箭卷木  
葉塞其創一曰猿母抱子芝射中之子爲拔箭取水  
葉塞創芝歎息投弓水中 太康五年二龍見於武  
庫井中 孫盛曰龍以飛翔顯見爲美潛幽伏處非休  
祥也武庫者藏威帥之器室宇邃密非龍所處後果  
有二胡潛竊神器勒虎二逆皆字曰龍 晉太熙元  
年遼東隆安四年梁州皆有馬生角 魏明帝時有人開周  
也京房謂臣易上政馬生角 魏明帝時有人開周  
世家得殉葬女子數日而有氣數月而能語郭太后  
愛養之 吳永安四年安吳民陳焦死七日穿冢出  
晉惠帝世杜錫家葬而婢謀不得出後十餘年開  
冢附葬而婢尚生其始如暝有頃漸覺自謂當一再

宿耳。永康元年十月乙未日闕。惠帝永甯元年

日有黑子。按京房占黑者陰也。臣不揜君惡。日重暈

天下有立王。暈而珥天下有立侯。以上五行志晉武踐

阼。安平王孚爲太宰。鄭冲爲太傅。王祥爲太保。義陽

王望爲太尉。何曾爲司徒。荀顛爲司空。石苞爲司馬。

陳騫爲大將軍。凡八公同時並置。惟無丞相焉。有蒼

頭字宜祿。至漢丞相府每有所關白到閣。輒傳呼宜

祿。以此爲常。五尚書二僕射一令謂之八坐。漢

官云置郎三十六人。蓋一尚書領六郎也。主作文書

起立事。草初爲郎中。滿歲則爲侍郎。尚書郎入直官

供青縑白綾被。或以綿縹爲之。給帷帳。甌褥。通中枕。

南史職小錄卷十四 宋書上志 三

大官供食物。湯官供餅餌。及五孰果實之屬。給尚書

伯使一人。女侍二人。皆選端正妖麗。執香爐。護衣服

奏事。明光殿殿以胡粉塗壁。畫古賢烈士。以丹朱色

地。謂之丹墀。尚書郎口含雞舌香。奏事。答對欲使氣

息芬芳也。光祿大夫銀章青綬。其重者加金章。紫

綬。則謂之金紫。光祿大夫導官。令丞掌春御米。漢

東京置。導擇也。擇米令精也。天子所服五時衣。以

賜尚書令僕。丞郎月賜赤管大筆一雙。隄麋墨一

九。漢制丞郎見尚書呼曰明時。郎見二丞呼曰左

君。右君。侍中往來殿內。東廂奏事。漢西京多至數

十人。入侍禁中。分掌乘輿服物。下至褻器。虎子之屬。

武帝世孔安國爲侍中以其儒者特掌御唾壺朝廷榮之給事黃門侍郎每日暮向青瑣門拜謂之夕

郎按董巴漢書曰禁門曰黃闔中人主之故號曰黃門令則黃門郎給事黃闔之內者漢桓帝置秘書

監一人魏武置令與丞文帝又改令爲監後以何禎爲秘書右丞掌祕文圖籍周官外史掌四方之志三

皇五帝之書卽其任也漢西京藏圖書有天府石渠蘭臺石室延閣廣內之府東京則在東觀名儒碩學

著作東觀著作之名自此始魏晉隸中書後改隸秘書謂之大著作專掌史任

按隋書志述居著作郎謂之大著作梁初周捨裴子野皆中郎將領虎賁郎虎賁舊作虎奔如虎之奔

走也王莽以古有勇士孟賁故以奔爲賁周官有虎賁氏旅賁氏殿中司馬督宿衛夜開城門執白虎

幡監之御史中丞每月繞行宮城疑是省

每月繞行宮城疑是省金吾以此事併中丞也刺史班行六條詔書漢制歲遣上計掾史各一人條上郡內衆事謂之階簿

諸官府至郡各置五百舊說古君行師從卿行旅從旅五百人也今縣令以上古之諸侯故置以象之

韋曜曰周制五百爲旅帥皆大夫不得卑之如此說五百字本爲伍伯伍當也伯道也使之導引當道以驅除也周官有條狼氏掌執鞭以趨辟近之矣

補南齊書志

郊丁社甲。宋元嘉南郊權作小陳帳以爲退息。

太學博士賀瑒議周禮旅上帝張瓊案設皇邸瓊案以瓊爲牀於幄中不聞郊所置宮宇。又虞炎議漢

郊祀息殿去壇場旣遠禮畢旋幸於此。祠部郎李

攜議周禮祭祀張旅幕張尸次尸次尸所居更衣帳

也。晉永和中等增舞童八列歌雲漢詩。司馬彪

禮儀志云雲祀著卓衣蓋崇陰之義。盧植鄭元解

元辰吉亥日日甲至癸也辰子至亥也郊天陽也故

以日藉田陰也故以辰又木生於亥故亥日祭先農

又寅與亥合。建寅月東耕取月建與日辰合又亥爲

南史識小錄卷十四齊書志

水百穀賴茲沾潤也。魏武正會文昌殿設百華燈

晉武朝會儀夜漏未盡十刻庭燎起火羣臣集傅元

賦云華燈若乎火樹熾百枝之煌煌此因魏儀與庭

燎並設也。按宋書志載魏正旦殿下設兩百華燈漏

盡皇帝出前殿百官上賀謂之晨賀。晝漏上三刻更

出百官奉壽酒大饗作樂謂之晝會。三月三日曲

水會古禊祭也。漢志上口官民絮濯於東流水上去

宿疾不見東流爲何水也。晉中朝禊洛水之側其後

會天淵池賦詩。陸機云天淵池南石溝引御溝水池

西積石爲禊堂跨水流杯飲酒。元帝詔罷三日弄

具今相承爲百戲增損無常。史臣按應劭云禊者

絜也自絜濯也舊言陽氣布暢萬物訖出姑沆絜之

也一說清明之節水側禱祀以祈豐年或云漢有郭

虞二日生三女皆死俗忌之每至其日適水祈祓

說亦見後漢書禮儀志劉昭注辨其虛延按高后祓廟上馬融梁冀西第

賦云西北戌亥元石承輪蝦蟆吐寫庚辛之域即曲

水之象也是前已言之祈農之說於事為當九月

九日馬射或云秋金之節講武也宋武在彭城九日

出項羽戲馬臺至今相承晉中朝元會設臥騎倒

騎顛騎自東華門馳往神虎門六角抵雜戲之流也

禮志南郊歌辭青壇奄鷲翠幙端凝功燭上宙

德耀中天風移九域禮飾八埏四靈晨炳五緯宵

明南史識小錄卷十四齊書志敬達瑄蕙煙贊青昊

震麗紫場回鑿轉翠拂景翔宸四金聳衛八馭齊

輪北郊樂歌敬饗元時灑德方儀倪天炳月

篚霽周序牲幣芬壇調川瑞昌警岳祥泰五

帝歌辭芬枝揚烈赫構周張涓辰選氣澄明臨

四輿精華延八鄉青帝歌參映夕馳照晨景陽陽

風習習赤帝歌族雲蒼鬱白帝歌萬寶咸適

黑帝歌白日知元夜深霜鐘鳴冥人起樂歌近世

正韶之顏延之竝四韻乃轉得際促之中宗廟歌

辭孝感煙霜芬滌既肅芬俎嘉薦天歌雲舞

振振璇衡天儀碎飢錦玉登聲德凝羽綴

德凝羽綴

道啓容辭 昭皇后樂歌月靈誕慶雲瑞開祥 粹

訓宸中儀形宙外 朱紘繞風翠羽停雲 桂樽瑤

俎 皇帝詣便殿歌辭辰儀聳蹕宵衛浮鑾 太廟

歌辭金鼎淳柱冲幄舒薰 偃風裁化暉日敷祥

祀先農辭羽鑾金駕丹綯綠嚙 瓊竿繡篋 翻籥

繁會 永明六年赤城山雲霧開朗見石橋瀑布按

視以為神瑞太樂令鄭義泰造天台山伎作莓苔石

橋道士捫翠屏之狀 鳳皇銜書伎蓋魚龍之流也

元會日侍中於殿中跪取其書歌辭云靈鳳銜書集

紫微超商卷夏耀英輝 以上樂志 陽精火鏡陰靈水存

災生賁薄崇起飛奔 天文志 劉毅鎮姑熟上表曰此

南史識小錄 卷十四 齊書志 三五

州土氣彊獷 江陵去襄陽步道五百勢同唇齒 以上

州郡 胡廣舊儀應劭官典 區別階資 樂安任

遐為光祿就王晏乞一片金晏乃啟轉為金紫不行

衛尉掌宮城管鑰張衡西京賦衛尉八屯警夜巡

畫宮城卻敵樓上本施鼓持夜者以應更唱太祖以

鼓多驚眠改以鐵磬云 侍中漢世為親近之職宋

王章王曇首殷景仁等並為侍中與帝接膝共語詔

拂帝手拔貂置案上語畢復手插之 御史中丞職

無不察專道而行騶幅禁呵加以聲色 以上百官志 輦

車臣下亦得乘之晉武帝給安平王孚雲母輦晉中

朝又有香衣輦 青萌車是謂掬幔車 青蓋安車

諸王禮行所乘阜蓋安車三公禮行所乘皆朱輻漆斑輪平冕黑介幘今謂平天冠垂珠十二旒漢世用白玉珠江左以美玉難得遂用蚌珠世謂之白珠裘衣漢宋用織繡建武中改采畫加飾金銀簿世謂爲天衣傳國璽秦璽也晉亂沒于胡江左初無之北方人呼晉家爲白板天子服志以上輿世祖夜坐無火婢吹灰而火自然世祖年十三夢舉體生毛髮生至足又夢鳳皇從天飛下青溪宅齋前翼下有紫雲氣世祖於南康郡內作伎有絃無管於是空中有篋聲調節相應在鄂州夢人從天飛下插筆來畫上衣兩邊庾溫云畫山龍華蟲也太祖南史職小錄卷十四齊書志

三

在青溪宅齋前池中忽揚波起浪有金石響有青龍從池中出宋永明十年鄱陽獻一角獸龍鸞共色

永明八年延陵縣獲毫龜一枚長山縣獲六目龜

一頭腹下有萬歡字建城縣獲四目龜一頭有萬齊

字九年長山縣獲神龜腹下有巽兌卦建元三年

華林園醴泉堂東有瑞雲周圍十許丈高下與景雲

樓平五色藻密昇明二年豫州萬歲澗廣數丈有

樹連理隔澗騰枝越壑跨水爲一幹永明三年旬

陽縣穀山槿樹連理異根雙挺其杪爲一永明九

年秣陵縣安明寺有古樹僧改架屋伐木剖樹木中

自然有法大德三字又廣漢縣村民張慶宣屋有

光發視獲玉璽一紐有鼻文曰帝眞。又曲阿縣民黃慶宅左有園種菜輒鮮異採拔隨復更生夜有白光屬天狀似縣網掘獲玉印一紐文曰長承萬福。

永明三年始興郡民龔元宣云去年有一道人乞食懷中山篆書真經六紙表北極一紙移付羅漢居士一紙云從兜率天宮下使送上天子。永明二年護

軍府門外桑樹一株有蠶絲綿被枝莖按漢時有野蠶成繭今則浮波冪樹亦此類乎。永明七年越州

獻白珠自然作思惟佛像長三寸。又浙江得靈石

十人舉乃起在水深三尺而浮世祖刻爲佛像以上

志永明中宮內服用射獵錦文爲騎射兵戈之象

南史識小錄卷十四齊書志

志

至建武初虜大爲寇。永明建元時屢有火精野火上

生精長數尺黃赤色建武二年有大鳥集建安形如水犢子

其年郡大水三年大鳥集東陽郡赤色按樂緯叶圖

徵焦明鳥赤至則水。建元二年廬陵石陽縣長溪

水衝崩山麓下得柱千餘口皆十圍長者一丈短者

八九尺頭題古文字不可識江淹以問王儉儉曰此

秦漢時柱也。永明中宮內御食之外皆爲客食世

祖以客非家人名改呼爲別食人以爲分別之象少

時上晏駕。永明時京師人家忽生火赤於常火爭

取以治病以此火炙桃板七炷七日皆差病瘳者炙

卽差或笑曰病偶自差豈火能爲此人便覺頤間癢

明日瘦還如故。崔慧景圍臺城有一五色幡飛翔雲中。不見人曰。幡者事當翻覆也。俄慧景敗。永明九年鹽官縣石浦有海魚乘潮來水退不得去長三十餘丈。土人呼爲海鷲。取其肉食之。昇明二年颯風起建康縣南塘里吹帛一匹入雲。建元永明中屢有土霧勃勃如火。煙入人眼鼻。以上五言行志

南史識小錄卷十四終

南史識

錄

卷十四終

齊書志

壹



南史識小錄卷十四終  
齊書志

南史識小錄卷十四終  
齊書志

